

A black and white photograph of a man with short, dark hair, looking directly at the camera with a slight smile. He is wearing a dark-colored t-shirt with a repeating circular logo that contains the text '20N' and 'OLD'. He has several bracelets on his left wrist, including a white rubber band and several beaded bracelets. His right arm is bent, with his hand near his shoulder. The background is out of focus, showing some foliage.

# INKURU YA MIKE

Duc Authentique

# INKURU YA MIKE

Duc Authentique

Copyright 2022 — Duc Authentique

Uburenganzira bwose burabitswe. Ntivyemerewe kugira kopi, gusohora canke gushira ku mbuga ngurukanabumenyi mu mvo zo kugurisha kino gitabo utabiherewe uburenganzira n'umwanditsi **Duc Authentique** ubwiwe canke uburongozi bwa **Duke Stories**.

**Abagiteguye:**

Umwanditsi: Duc Authentique

Umuhinyanyuzi: Duc Authentique

Igifuniko: Duc Authentique

Contacts: Duke Stories (Facebook)

+257 71349267 (WhatsApp)

duccendrars@gmail.com

Casohowe na **Duke Stories**

Bujumbura, Burundi

*Hamwe na Duc nyene:*

**IMBERE YO KUGENDA**

**RUGIRA IMBARAGA**

**UBWENGE**

**UMUSODA**

**UGUHEMUKA**

**KURE Y'UMUTIMA**

**IBIHE**

**INYUMA Y'UBUZIMA**

**IKIGUZI NARISHE**

**NIZINDI...**

## Agace 1

Niko nakuze niko nisanze kandi sinicira urubanza ko nihenda kandi sinicuza icatumye bigenda uko vyagenze kuko nizera ko vyagenze uko vyategezwa kugenda kandi ntaco ndi buhindure.

Rimwe na rimwe mu buzima harivyo twisanga dufise twavukiyemwo canke twaravukanye benshi baturumbira ariko twe tukavyisangamwo tutabirondeye.

Akenshi rero bikadutera kwumva ko umenga turaruta abandi tukumva ko dutandukanye tukumva ndetse ko dukwiriye ibirenze ivyo abandi bakwiriye. Nivyiza kumenya ikibereye hatararengerana ugakosora ico wahora ukora kitabereye hakiri kare kuko uko uteba niko ingaruka ziba nyinshi kandi sibenshi muri twe bashoboye kwihanganira ingaruka mbi zivyo bakoze bitabereye.

Ngiye kubabwira ubuzima nacyemwo nizera ntakekeranya ko ubutumwa burimwo buzoshika kuri benshi ndetse bugafasha na benshi ariko utibagira ko nawe usoma ubifisemwo uruhara ndagusaba ndakwingika ko wosangiza abandi nawe uzoba ugize uruhara mwihinduka rya bakuru bacu canke batoyi bacu.

Nipfuza ko ubuzima nacyemwo bwobera icigwa buri wese.

Navutse nisanga mu muryango umeze neza nivukana nd'umuhungu nakuze kuva mu bwana niyitaho mu buryo bwose numva nshaka kuba umuntu mwiza mu bintu vyose sinakora ivyabandi bakora ariko nakora ivyotuma mba mwiza kurusha buri gihe.

Jewe nakuze nd'umuhungu mwiza w'igitangaza abantu bose babona bagakoma amashi kandi nanje naza nariyakiye ko nd'umuhungu mwiza cane kuburyo nanje niraba mu kiyo nkisamarira nkumva ndikunze rwose bigatuma ndushiriza kwiyitaho cane nitaho nukubungabunga umubiri wanje mu kwinonora imitsi mu kuryama neza amasaha akwiye mu kurya neza imfungurwa zikwiye ivyangombwa nkanywa amazi meza ya kinjou. Nicatumye nigira ubuganga suko nakunda amagara yabantu canke gufasha ariko nuko nashaka kumenya ukuntu mbungabunga amagara yanje.

Ntakindi kintu caba mu bwenge bwanje atari ubwiza bwanje umuntu wa mbere kandi wa nyuma nakunda yari jewe nyene sinigeze mbona umukobwa mwiza noshima nabona ko bose mdabarengeye atanumwe dukwiranye nari mfise indoto yo kuzoba umukinyi wamareresi rurangiranwa numva ko ntakabuza hollywood izoza kundondera ikankinisha muma rôle yabahungu beza.

Ku myaka cumi n'umunani niho natanguye ivy'imideri muri agence imwe iteye imbere ngaha ibujimbura ntiriwe ndavuga nkaba narashoboye kumenyekana mu kanya isase mba umumodel w'umwaka ndetse ndonka nudushimwe twinshi dutandukanye. Ico gihe niho natanguye gushira amafoto yanje kuri facebook sinari mfise abagenzi benshi kuri facebook ariko natangazwa nuko mu minota 15 ifoto yanje yaba igeze kuma j'aime/like 5000.

Ivy'abakobwa baza kuntereta vyo sinobivuga ngo ndabimare ariko novuga ko bagira ivyago bakicuriza icatumye bantumbera. Narakuze uko ndateba ndaja muri université ndibuka muwambere hari umukobwa yavuka ruguru i Bururi yitwa Bernice nta bwiza

bwo kumubiri yarafise,ico gihe araza aho nari nicaye anyicara iruhande ndiko ndisomera aka notice kamavuta mashasha nari naguze muri Ville aguma andaba ndamwihoza haheze akanya numva arambwiye...

*Mike!*

Ndahindukira ndamuraba ariko sinagira ico mvuga nguma ndamuraba gusa.

Bernice:*Mike ubwiza bwo ku mubiri nubusa gusa warukwiye kwitaho ubwiza bwo kumutima kuko uwo mubiri ntuzowamana ibihe vyose.*

Nca ndamuraba kuva kwino gushika ku mushatsi nca ndaduka ndatwenga gose kuburyo abanyeshure bose bahindukiriye icarimwe kundaba kuko ntibari bamenyeye ntwenga ubusa ahubwo ndibaza ryari irya mbere bambonye ntwenga

Inyuma y'umwanya ntwenga nca ndamubwira nti: *Iyo phylosophie ndayibuka twarayize muri secondaire vraiment ni phylosophie ukoresha ufata ukaremplaça iciyumviro kitabaye satisfait par ikindi ciyumviro co kwihumuriza ouai je comprend bien mais ne t'inquiètes pas ma pauvre Bernice ikintu cose kibera impamvu nkiyo sura yawe yarikeneye kubaho vraiment hahahaha rega iyo izosura zitabaho ntibari kuronka abo bakinisha mu mafilm yama zombie namavampire!*

Nabivuze cane kuburyo abanyeshure bose baciye batwengera rimwe Bernice aca arahaguruka aragenda ataco asubiye kuvuga nanje nca ndikaruma nkaho atacabaye.

Ico gihe nta munyeshure yasubiye kuza kumvugisha bese baciye bantinya nanje narabikunda cane. Ndibuka mu nyuma niho nagiye numva abakobwa b'inyuma bariko baramuvugaga Bernice

Umwe ati: *Uzi ko Bernice ejo yatashe ararira nuno musu atatonze kwishure?*

Uwundi: *hhh ahubwo Bernice arasara!*

Uwundi: *Numva ngo yareretse mama!*

Uwundi: *Je naho nsenga kandi Imana ndayizera harivyo yonyereka sindavyizere none nka Bernice hhh bisa nkokurota wabaye Imana!*

Ivyo ndavyumvise ntaco vyambwiye.

Narabandanije gushika mpejeje Université Bernice sinongeye kumubona.

Umusi umwe nari ndiko ndagira musculation muri gym tonic nubaka umubiri telephone yanje yariteretse imbere yanje ngira tizi ndiko ndaraba amacommentaire baguma bagira kwifoto yanje nari naraye nshizeko igeze kuma j'aime 25000

Nza mbona message kuri facebook, hariho ayandi ma message menshi kuri facebook ntari bwashyize nayo nirengagiza ariko iyo ndayibonye numvise ngize amatsiko message yagira iti: *Hey Mike hari ONG yipfuza gukorana nawe mu bijanye na Photographie nimba wumva ushobora kwemera iyo offre isango neho kuri adresse ziri aho musu.*

Nca ndamanuka mbona adresse ni Hotel ... chambre No ... 15h00'



Siniyumviye birebire ahubwo niyumviye ko ngomba kwemera iyo offre naburya atakindi nariko ndakora mwiyo minsi nari nshomeye nca ndataha. Ku musu wakurikiye isaha zarageze ndafata Taxi ngenda aho nategezwa guhurira nawe nshikayo kwisaha ndadodora mbona umuryango urugurutse nca mbona umugore winzobe nyinshi niwe anyugururiye ati: *Karibu cane Mike*

Jewe:*Merci!*

Nawe:*Murashobora kwicara!*

Aca arambaza ico mfata ndamubwira amazi aca arayanzanira ansukira mu kirahuri nca nicara mu ntebe zaraho hafi dutangura kuganira ariko ico nibuka nuko naherutse ivyo twavuganye mwuwo mwanya nasubiye gukanguka mbona...

## Agace 2

Mbona ndi mu gitanda ndi gusa nta mpuzu nimwe nambaye ndavye mu gitanda numva hameze nkahatose ku kabati kigitanda nca mbona agapapuro kanditseko nikaramu ngo: *Mon petit cheri Mike merci kunryohereza nta kindi nari nipfuza atari kuryamana numuhungu wa mbere mwiza...*

Maze kugasoma nariyanse ndicuza numva amosozi arakorotse niyumvira ukuntu ku ncuro ya mbere naryamana nicitswe igitsinagore nryamanye numumaman kandi ntanazi kandi nryamana nawe tutavyumvikanye mfashwe ku nguvu kuko mu mazi nanyoye yari yanshiriye imiti yo kunyovya ubwenge kuko nasubiye kugarura ubwenge ibara ryamaze kugwa. Ntakindi nari gukora atari ugahaguruka nkambara nkasohoka nibimaramare vyinshi ndataha mu nzira abandaba bose numva umenga bambonamwo ivyambayeko. Ntawe nigeze ndabibwira narahoze mu nyuma ndiyakira kuko nubundi nta ruhara nari nabigizemwo ariko inyuma y'imisi nafashwe n'ingwara yo mu gihimba c'irondoka ibabaza cane ntiriwe ndavuga izina ariko iyo ngwara yaramfashe ndaremba gose ndagenda kuri Roi Khaled biranka ndagenda Hopital militaire biranka ndagenda muri Kira Hospital naho nyene bigoranye haboneka umuspecialiste umwe w'umu urologue ambwira ko ingwara ngwaye nd'uwambere ayigwaye mu burundi nawe nyene ambwira ko iyo cas yanje yayihiruka 2012 mu bufaransa igihe yari guca doctorat yambwiye ati: *Iyi ngwara ino mu burundi nta miti dufise yo kuyivura ndetse*

*ntaniyo gupfupfahaza tworonka kiretse tuyitumyeke hanze mais ça va te coûter chère mon frère!*

Uwo musu naratashe ntayindi choix nari nsigaranye atari ukugenda kubibwira abavyeyi.

Kubera ntari nkiba muhira nari naragiye gupanga uwo musu narashitse muhira Maman ambonye mbona yipfutse umunwa mbona agize agahinda mu maso aca ambwira ati: *Maaama Mike qu est-ce qui c'est passé? wabaye iki? eeh anh anh dis-moi je t'en prie!*(mbwira ndakwinginze)urabona ukuntu wonze!!

Jewe nagahinda kenshi namosozi mu maso nti: *Maman c'est une longue histoire! (Mama ni inkuru ndende)*

Maman aca amfata ku rutugu ati: *Vas-y racontes! (Jako umbwire)*

Nabwiye Maman inkuru yose uko vyagenze nagiye guheza yarize arahogora ku buryo naje naciye ndira ndumuntu wumugabo kuburyo habuze uwuhoza uwundi.

Jewe: *Maman je suis desolé je vais mourrir (Maman ntakundi ngiye gupfa)*

Ubwo nyene Papa nawe aca arashika arinjira ashika avuga ati: *Saaa? Ninde agiye gupfa ngaha? Nibiki ko mbona mwese murira ntabona uwo muririra?*

Jewe: *Ni jewe ngiye gupfa!*

Papa Maman yamubwiye ivyo nari maze kumubwira vyose nawe akaba yarafise ingwara y'umutima yaramaranye imyaka itandatu ubwo nyene aca araremba biba ngombwa ko duhagarika kurira twihutana Papa kwa muganga nawe abanganga batangura

kumwitaho ariko ntivyakunze ko arenga aho kuko inyuma yamasaha menshi ari muri coma yahavuye yitaba Imana ahitanywe numutima. Agahinda kageretse ku kandi katashe mu mitima yacu Maman we biba ibindi kuko yari yiteze ko aho bukerana nanje ndakurikira. Yaguma ambwira ati: *Mike ukaramuka nawe upfuye nanje nzoca nyahura kuko ntakamaro ko kubaho kazoba kakihari!*

Ico gihe twarahamvye Papa inyuma yimisi mike nanje ndaremba gose biba ngombwa ko nja mu bitaro Maze ntangura kuba mu bitaro biranka ko ntora mitende ahubwo ntera ndemba ku buryo navuye ku biro 75 nsigaana 35 mu kwezi kumwe.

Maman nta kazi yarafise vyabaye ngombwa ko agurisha inzu kugira abshe kubandanya amvuza nari namwankiye ariko yanka kunyumva. Inyuma y'umwaka nigice ndi mu bitaro Maman ntaco yarasigaranye atangura kwikora ku ncuti ariko nazo haragera igihe zirananiye maze ku bitaro bahagarika kumvura ariko kandi banka no kundekura kuko twari tubaheraniye amahera menshi. Narababaye cane kugeza naho nipfuza urupfu nkarubura nararaba Maman akantera ikigongwe nakibuka ko kera ata kibazo na kimwe twari dufise nkumva notuka Imana. Igihe carageze na Maman sinongera kumubona sinamenye irengero ryiwe ariko nibajije ko yoba yariyahuye kandi naramutahura kuko naje iyo ndonka uko nyahura mba narabikoze mwiyo minsi niho haje abagiraneza bababikira baza barafasha abatishoboye ico gihe bafata ikibazo canje baranyisinye.

Maze imyaka itatu mu bitaro nari natanguye gutora ka mitende bukebuke gusa nari naronze nsigaranye ibiro 25 niho numvise inkuru y'incamugongo aho haza umwe mu babikira ambwira ko

societe yahoranibafinanca yugaye bambwira ko bikunze nokwiyaranja nkasohoka nkaja kugwarira muhira ko bazontekerera ibiba birantunze. Ico gihe nayandi mahitamwo nari mfise uretse kwemera. Igihe carageze rero ndataha ariko ntafise iyo nerekerera kuko narinzi neza ko Maman yasize agurishije inzu.

Ndiko ndagenda munzira nibuka elegance natambukana kera nkibuka ingene narengana bese bagahindukira ariko ubu ndarengana ntihagire nuwumenya naciye nibuka Bernice ndavuga nti: *Bernice iyaba nokubonye nokubwira ko ivyo wavuze arukuri ubwiza bw'umubiri n'ubusa gusa...*

Ico gihe narabuze iyo nja kopokopo ndavuga nti: *Ubu ntakindi gisigaye ngiye kwikuramwo ko ngwaye hanyuma ntangure kugenda ndasaba akazi ku nzu ku nzu.*

Nta kindi nakoze nishizemwo ko nkomeye ntambuka neza ndihumura mu maso kwirobinet ryari ku nzira maze mpera ku rupangu rwari imbere yanje ninjira nsaba akazi. Nagiye henshi ndabura bese barantitegerapza bakabona atakazi nakamwe noshobora bati: *We twoba twikwegeye ivyago wohava udupfirako*

Nahereye mu gatondo bunyirirako nzunguruka umuji ndiko ndiyumvira iyo nja kurara mbona urupangu rumwe rurugurutse hinjiramwo imodoka nca ndayikurikira ndinjira ndatakambira umumaman yarayivuyemwo ngo ampe akazi ndanapfukama ndamutera agahinda aca ambwira ati: *Ngwino umbwire neza*

Tuca turagenda no murugo anyereka agahungu kariko karateka ati: *Kadogo!!*

Nya gahungu gati: *Sabwe Mabuja!*

Kaca kaza kariruka

Wa mugore ati: *Urabizi ivyo twavuganye?*

Kadogo: *Eh bimwenyvyo kuza ndugara akabati na frigo?*

Wa mugore aca aratwenga ati: *Apuu bimwe vyo gusubira kwishure ukiga!*

Kadogo: *Oh ego uyu muboss niwe azohora anyigisha?*

Wa mugore ati: *Oya uyu niwe aje kugusubirira ahubwo tangura umumenyereze guhera uyu musi urazi ko hasigaye indwi zibiri amashure agatangura.*

Kadogo nibitwenge vyinshi ati: *Urakoze Mabuja Imana iguhezagire vurema!*

Wa mugore: *Amen kandi ntuzosubire kumpamagara Mabuja bikunaniye kumpamagara Maman uzompamagare Maman uzompamagare Maman Nice...*

## Agace 3

Ubwo natanguye kwiga guteka kuva uwo musu ntivyari vyoroshe kuko no gukata igitunguru ntavyo narinzi ariko Kadogo yambereye umwana mwiza arabinyigisha vyose kandi nanje nagomba gushiramwo agatege nkabimenya mu mayinga abiri Imana ingirira ubuntu umushikiranganji windero yongerako iyindi ndwi nanje nkomeza kuvyiga neza amayinga atatu yaheze ndabizi.

Sinakora kugira ngo niyungunganye nakora kugira mbeho kuko amahera yose naronka nayaguramwo imiti yo gupfupfahaza ngo mbe ndamaze kabiri. Nta vyizigiro na bikeyi nari nkifise vyo kuzoba uwutandukanye nuwo nari maze kuba ndiwe naza nariyakiye ko iryo ariryo herezo ryanje. Muganga yari yarambwiye ko ntazoshobora kuvyara kuko ingwara ngwaye ntiyankundira kugira ubushake bwigitsina gore. Ikintu cambere ntagomba kwiyumvira kari kahise kanje ariko kandi na kazoza sinakiyumvira kuko ntako nabona. Nabona umwijima gusa w'igitutu c'urupfu rundindiriye. Abandi baratwenga nkigirisha.

Umusi umwe ndibuka Maman Nice yatashe kare 11h ashika ambwira ati: *Mike nturahisha?*

Jewe nti: *Ndahishije mutashe mushonje ga Mabuja ndabasereve?*

Maman Nice: *Ariko mwe na Kadogo mwabaye gute? kuva aho nababuriye kumpamagara Mabuja mushaka nzovuge mu kirimi kimeze gute?*

Jewe: *Mbarira Maman Nice sinzosubira*

Maman Nice: *Umva itegure wambare neza uze tujane gutegera Nice kuri aéroport!*

Jewe: *Oh ego Maman Nice.*

Maman Nice: *Ok bangutsa*

Aca aragenda ariko atarinjira nca ndamubwira nti: *Maman Nice!*

Aca arahagarara nti: *Ariko rero je mbona nosigara vyoba vyiza kurusha!*

Mbona Maman Nice ababaye ati: *Aaah kuberiki Mike ko uwo mutima mubi utawuhorana?*

Ndamubwira nti: *Erega Mabu...nako Maman Nice nanje sije, vayri vyiza ko nza gusangira namwe umunezero ariko nta zindi mpuzu mfise uretse izi nambaye nukuri munyihanganire!*

Maman Nice: *Oh ico nico kibazo ufise gusa?*

Jewe nti: *Ego pe!*

Nawe ati: *Ndindira gato ndaje!*

Aca arinjira mu nzu haheze akanya mbona azanye ipantaloni nishati nikirato arabimpa ati: *Akira gerageza izi urabe zahora ari iza Papa Nice akiriho.*

Nca ndazakira ngenda kuzigera ntizari zinini cane ariko kubera ukuntu nari narananutse cane vyatuma zimbera amahero ariko ndajinyika ndazambara tu.

Haheze akanya Maman Nice arasohoka twurira imodoka turagenda



Mu nzira Maman Nice nagiye numva ambaza ati: *Ariko Mike we iyo ndakwitegereje mpora ndakwoyumvirako nkumva nipfuza kumenya kahise kawe genre ubuzima bwawe.*

Jewe nti: *Oya sigaho ubuzima bwanje ntukabumenye kuko uretse kugutuntuza gusa ntaco bwokumarira!*

Mbona arikanze aca arahindukira arandaba ati: *Harya ikitakwishe kirakwigisha ntuzokwigere wihebura igihe cose uba ugihema vyose biba bigishoboka nta kure cane Imana itokuvana kandi nta kure cane Imana itogushikana.*

Jewe aho nari ndi ntaco vyambwiye kuko nari naritakarije icizere cose.

Ubwo twaragiye duhitana Kakdogo aho yari asigaye yiga maze twerekeza ku kibuga c'indege aho twagomba gutegerera Nice. Twarashitseyo turahagarara umwanya muto niho nagiye kubona umukobwa mwiza cane yirabura atari gose mbona aje ariruka ashika agwa mu nda Maman Nice nca ndibwira ko ntakabuza uwo ariwe Nice.

Barahoberanye umwanya utari muto sinzi ukuntu vyagenze nanje nca ntangura kwibona ndiko mpobera Maman anyongorera mu gutwi ati: *Imyaka myinshi twaraburanye ariko Imana irabikoze turongeye turabonanye!*

Ubwo nkiri murivyo numvise umuntu anyiganjije ku gitugu nca ndasahuka nitegereje mbona ni Maman Nice ariko aranyiganza aca ambwira ati: *Mike uri mu biki? Ramutsa uwundi mwana!*

Nca ndaraba imbere mbona koko wa mukobwa mwiza yabanguye ukuboko kwagumye mu kirere nca ndamuha ukuboko nti: *Umbabarire si jewe nari natwawe n'ivyiyumviro!*

We: *Nta kibazo.*

Ubwo twaciye twurira imodoka turataha.

Ndi mu modoka natanguye kwibuka ibihejeje kumbako nsubira kwibuka Maman numva ndamukumbuye cane ntazi ko akiriho umwanya umwe numva umutima unyemeza ko atakiriho kandi nkibuka ko na Papa yapfuye kubera jewe ku mutima nti: *Iyo ntuma ntabaho!*

Nza mbona intoki nziza imbere yanje zimpereje akantu ko kwihanaguza mbona ni wa mukobwa mwiza akampaye nca ndongera ndaba imbere ndavye muri retroviseur mbona koko narize amosozi ariko arakoroka ku matama nca ndihanagura ariko uko ndavye muri retroviseur nkahuza amaso na wa mukobwa mwiza ariko arandaba.

Igihe carageze turashika muhira tugeze kwirembo jewe nagendera inyuma ya bose nsigara ndugara portail nza mbona wa mukobwa mwiza arahagaze aca arahindukira ati: *Jewe nitwa Nice weho numvise witwa Mike.*

Jewe: *Ego kandi ndagushimiye cane kubona wa...*

Ntaraheza nawe aca amca mwijamboa ati: *Oh oya nibisanzwe!*

Jewe: *Kubisanzwe ngwaye amaso rero harigihe amfata akaca atangura kurira.*

Nice: *Oh pole sana!*

Tuca twumva Maman Nice ariko ahamagara Nicw aca arinjira muri sallon jewe nce hirya ngenda mu gikoni ndakura za mpuzu ndazizinga neza nambara izakazi ntangura gukora akazi nari njejwe.

Imisi iraza iyindi iragenda ariko uko imisi yahera niko twrushirije kuba abagenzi na Nice kuko akenshi yaza kumfasha guteka be na Kadogo bakanteramisha nkumva ndaryohewe

Umusi umwe Nice yaraje asanga ndiko ndateka aca anyicara iruhande ndamubaza nti: *Ariko kweli nkubu ntubona ko utari ukwiriye kuza hano hantu?*

Nice: *Kuberiki? ntushaka?*

Jeweo: *Oya ahubwo nuko mba numva ko nk' umukobwa mwiza nkawe utaba ukwiye kuba muriki kibanza ahubwo ukwiye kuba urahantu heza hose hashoboka ndetse urikumwe n'abantu beza nkawe muri mu rwego rumwe!*

Nice: *Agaciro kumuntu ntigahagaze kukuntu asa kukuntu agaragara canke aho aba ari ariko agaciro k'umuntu...*

## Agace 4

*Agaciro k'umuntu nuko ariho peu importe ivyo yocamwo ariko le fait yuko ari muzima niko gaciro kiwe kwishimira ubwiza bw'umubiri nukwihenda kuko n'ubusa gusa kandi uyu mubiri ntituzowuhorana ibihe vyose!*

Nice yambwiye ayo majambo nca nibuka Bernice twiganye mu wambere wa kaminuza nongera nsubira mu bihe vya kera nza numva arankomye ati: *Aaaah Mike we nawe ico dupfa nuko buri gihe uguma utakara ukaja kure ntushobora kwihangana niyo uriko uvugana numuntu?*

Jewe: *Erega nanje sije nisanga vyabaye umbabarire nukuri!*

Nice: *Oya ahubwo nari namye gutembera ku bitaro ndaba abagwayi batandukanye gusa mu buryo ntazi ngeze ngaha nasanze ino telephone mwisakoshi ntazi uburyo yagezemwo nasubiyeyo ndarondeza nyeneyo ndabura nasize inumero niyo nyeneyo yaboneka bazonterefona ariko mu kurindira niyumviye ko noba ndayiguha ukayikoresha harimwo mot de passe uzoja kuyikuzamwo akira amahera!*

Ndavye terefone mbona isa niyo nahoranye kera ariko ndibwira nti: *Niyo bisa!*

Nice amaze kuyimpa yaciye agenda nanje nca ndayibika mbandanya akazi.

Umusi umwe nryamyeye mu cumba canje irungu rinyishe nca ndatora ya telephone ndayatsa ariko icatangaje nuko nasanze kuri ecran hariko ifoto yiwanye ntangura kwikeka ko yoba ariyo nahorana harimwo urufunguruzo nca nshiramwo urwahora

muyiwanje mbona ruravuyemwo basi menya neza ko ari telephone yanyuma nari naratunze ntaragwara nari nayisize mu bitaro niho natanguye kuraba amafoto yanje ya kera numva agahinda kose kagarutse ubushasha kuko niravye uko nabaye nuko nahora nsa ntaho duhuriye umutima uranyira numva ndiyanse.

Amosozi sinamenye igihe yakorokeye aca mu misaya no mu matwi nsinzi ukuntu nahindukiye mbona hirya Nice ariko arandabana agahinda kubera ntari napfunze umwango yarambona ari hanze ahagaze mu muryango winzu nkuru duhujije amaso nca nditwengesha kugira nkarume situation nca ndahaguruka terefone ndayisiga ku gitanda nza numva Nice ambwiye ati: *Reka gupretenda nta mpamvu yo guhisha uko wiyumva nimba ushaka kurira rira nimba ushaka gutwenga twenga ariko ntukigaragaze ugutandukanye nuko wiyumva!*

Jewe: *Urabizi ko atariko abarundi tumeze?*

Nice: *Mike!*

Jewe: *Nice urashobora kundeka jenyene?*

Nice: *Ok nimba wumva arivyo ukeneye nta kibazo!*

Agiye nca ndamuhamagara...

Jewe: *Nice!*

Aca arahindikira ari calme nca ndinjira mu cumba canje ntora ya terefone ndamwereka muri ecran nti: *Urabona iyi foto?*

Arayiraba mbona arakangutswe aca aranyaka terefone aguma ayiraba cane nanje birantangaza nca nkoramwo nkuramwo

urufunguruzo aca abona amafoto menshi muri galerie mbona aguma ayaraba aca azenga amarira mu maso nca ndamubaza nti: *Nice ubaye iki?*

Nza mbona aragiye yiruka nsigara ndibaza ico abaye yinjiye mu nzu haheze akanya aca arasohoka aragenda ntiyigeze agaruka gushika ku mugoroba Maman wiwe atashe aramuhamagara aramubura atangura guhangayika ariko mwijoro aza abona message...

Message yaciye ayinyereka kuko naje nari nahangayitse yagira iti: *Maman ntimuhangayike ndahantu hatekanye ndashobora kutaboneka mwiye misi kandi ntimundondere kuko ngomba nzimye terefone mu kiringo kanaka cao Maman Je t'aime bisou!*

Ndayibonye numvise nduhutse ariko kandi nsigarana ibibazo vyinshi ntashoboye kuronkera inyishu mpitamwo gutekereza umwanya umwe nibaza aho vyoba bihuriye namafoto yanje nkibaza ko yoba anzi kera ko wosanga twariganye ariko vyose nkumva ntibifise sens kuko je kuva nabaho nta mukobwa twigeze tumenyana yotwa Nice kiretse igihe nziriye gukora mu rugo iwabo.

Uwo musu waraheze niyindi irahera haheze indwi Nice tutamubona jewe nkomeza guhangayika. Umusi umwe nabonye Maman Nice aje asanga ndiko ndakoropa aca ambwira ati "Nice araza kuza ku mugoroba injira mu cumba ciwe umukoropere ntaze gusange inkungugu nyinshi.

Mu bisanzwe icumba ciwe niwe yahora acikoropera akakigirira isuku ryari irya mbere ninjiye mu cumba ciwe kuko ubundi je nakoropa muri salon coridor no mu vyumba vyabashitsi uwo

munsi rero ninjira mu cumba ca Nice cari icumba ciza kirimwo utuntu twonshi dusharije ico cumba cari kibereye buri kimwe kiri ku murongo gusa igitanda hari ahantu cari gisasuye amaja ku mutwe wo hirya numva vyoba ibibereye ndahagize neza mca ndagenda nduza ishuka ariko numva hari ikintu kiriyo nca ndaraba mbona nagakarine nikaramu nca ndagatora ndagashira hamwe nutundi dutabo twari ku ka etagere kari iruhande ariko ndavye mbona kanditseko inyuma nikaramu ninyandiko yiminwe bishoboka ko ariwe yakiyandikiye ngo "*Mes promesses*"(amasezerano yanje) nca ndapfa kuzingurura mbona harimwo ibintu vyinshi ariko natangajwe naho nabonye handitse ngo "Imana yansezeraniye Mike ko ariwe azombera umugabo nabisezeraniye mwijoro rya 31/12/2011" vyari vyanditse mu gifaransa nkihejeje kubisoma naratangaye gusa ndibuka ico gihe muri 2011 nari mu wambere muri kaminuza sinabitevyeko cane navuze nti kumbure nibimwe vyabakizwa biyadukiza ngo Imana yababwiye niyo barose nca ndakoropa neza ndaheza gusa numva nezerewe cane ko vyibura Nice aza kuza ku mugoroba kuko nari numva ndamukumbuye cane. Ku mugoroba nariko ndoza ivyombo niririmbira akaririmbo kari kagezweho ka emerysun nza numva intoki zimpfuse ku maso zoroshe zishushe bukebuke nca ndavuga nti: *Niceeeee!*

Nza numva aratwenze yari we nyene kuko ntawundi mukobwa nari niteze sinzi ukuntu vyanjemwo nca ndahaguruka ndahindikira ningonga nca ndamugwa mu nda gose nawe nyakuntunga ntiyihuta kundekura anguma mu bitugu nca ndamubaza nti: *Nice!*

Nawe: *Oui Mike!*

Jewe: *Ariko koko iki gihe cose wari waragiye he ko nakubuze?*

Nice: *Vyari vyiza ko ngenda kuko ubu ngarutse meze neza kurusha uko nagiye meze.*

Jewe: *Oh tant mieux!*

Nza numva aranyiyatse akangutswe ati: *Mike urazi igifaransa?*

Nca ndabura ico nishura kuko sinashaka ko bamenya natabawe namashi twagiye twumva inyuma yacu twese duhindukirira rimwe twikanze dusanga ni Kadogo ati: *Waooo uzi ukuntu mwasa neza muhoberanye ndasavye musubire kandi!!*

Twese: *Hhhhh*

Ubwo nyene nkitwenga nitegereza Nice nza mbona....



## Agace 5

Nza mbona namusize ibifuro vyisabuni ku gashati ka move yari yambaye mu mbavu aho namufatishije ibiganza ubwo nyene nca ndiruka nzana agatambara ndamuhanagura nza mbona aramfashe amaboko ati: *Oya Mike bireke ntaco bitwaye!*

Jewe: *Oya nagucapfuye ntegezwa kuguhanagura!*

Nice: *Nanje rero ndavyanse.*

Jewe: *Nta choix ufise kuko nje ndaguhanagura kandi je niyemeje ikintu ntawumpagarika atari Imana yonyene!*

Nice ati: *Ok reka turabe umuhinga!*

Nza mbona Nice nawe arunamwe akora mu bifuro vyisabuni aca arabinsiga nawe aca anyaka agatambara atangura kumpanagura nca ndamufata amaboko nti: *Basi nemeye wantsinze.*

Aca aramwenyura niho nari nkibonye ko Nice atwenga naramwitegereje ku buryo wamenga nomumira wese nagumye ndamuraba mu maso nawe aguma andaba tuguma turabana Nice nari ndamurusha uburebure sinzi ukuntu vyanjemwo manura umutwe nawe mbona ameze nkuwiduga turabanye kuburyo nisanze turiko turasomana ryari iryambere nsomanye numukobwa ariko numva arumunyenga sinzi ukuntu nagaruye ubwenge nitegereza Nice mbona yahumiriye Kadogo sinamemye igihe yagendeye ariko ndavye hirya mbona Maman Nice ariko araturaba nca ndiyaka Nice ningoga nicara kugatebe noza ivyombo mfise ubwoba bwinshi Nice ayoberwa ivyarivyo aca arahindukira aca abona Maman wiwe yinjiye nawe aca aragenda haheze umwanya mbona aragarutse ashika yicara hirya guma

ahoze nca ndikoroza nti: *Nice umbabarire kubihejeje kuba ndabizi...*

aca anca mwijambo ati: *Oya reka nijewe vyose ndabizi...*

Jewe: *Nice*

Nawe: *Sabwe Mike*

Jewe: *Ndagusabe service?*

Nice: *Urazi ko ataco ntogukorera ndagishoboye we mbwira gusa...*

Nca ndamubwira nti: *Nice ndashaka ko uba kure yanje sinipfuza kuguteza ibibibazo kandi nanje uzoba umfashije nukuri atari uko jewe ndagenda kuko ndabizi maman wawe ntazoteba kunsezera!*

Nice aca araturika ararira ariko ndamureka haheze akanya aca arahora maze mwijwi ryuziye ikiniga ati: *Mike unsavye ikintu kigoye cane ariko nimba arivyo ushaka nta kibazo.*

Aca arahaguruka aragenda ariko ageze mu muryango aca aragaruka ati: *Ariko sinogenda uku...*

Aca aransoma kandi nka 30sec aca aragenda nanje nasigaye niyumvira ntii: *Koko ntakundi vyari kugenda atari uku? Ego nuku nyene kandi ngomba kwirinda no kwiyumvira vyinshi.*

Kuva uwo musu natanguye kuba mu buzima bwirungu kuko Nice ntiyigeze agaruka kunteramisha namubona muri sallon gusa ndamushiriye inrya canke ntafungure rikaenga ntamubonye naramukumbura ndamubona nkakumbura kera ingene twaba tumezerewe yaje kunsanga mu gikoni ariko nkavuga nti vyararangiyeye. Igihe kimwe nabonye ikaye mwiyarara ni karamu

nca ndaritora ndaribika ntazi ico nzorikoresha kuko ntanakimwe cari kirimwo ndaribika mu cumba canje kenshi irungu ryaranyica iyo nahejeje imirimo kuko naya fone yari yarayinyatse umusi umwe numva...

Numva nshaka ikintu coba kiransamaje umwanya ukaba uragenda nca ndatora ka gakaye ntangura gucapa nca ndicapa uko nari meze kera nongera ncapa uko meze ubu nza ndagereranya ibicapo bibiri nkumva rimwe na rimwe ndababaye ariko nkihanga kuri page ikurikira niyumvira ico ncapa ndakibura nca niyumvira kwandika kuko nari numva ndabikumbuye niyumvira ivyo nandika ndabibura nti: *Reka nandike* INKURU Y'UBUZIMA BWANJE

Ntivyari vyoroshe kuko numva mfise ubwoba bwinshi niyumvira ukuntu bigiye kuba ngombwa ko nibuka buri kamwe kose karanze ubuzima bwanje uherye kukuntu navutse nukuntu nakuze ivyo nacyemwo vyose nkumva umwanya umwe nobireka ariko uwindi mwanya nokwandika nca ndahitamwo kwandika ntangura kera cane nkiri umwana nibuka ingene nari umwana ari calme abandi bana barantinya sinapfa gutwenga noneho natwenga gake...ndandikaaa kuvyukuri umwanya umwe narumva nryohewe kuko numva umenga nasubiye mu bihe vya kera Papa na Maman bakiriho yoo nkumva ndaryohewe rimwe na rimwe amosozi agakorokera muvyo nariko ndandoka bikaba ngomba ko nsimba aho amosozi yakorokeye gusa nageze kukuntu nahuye nawa mugore yamfata ku nguvu numva biranse nca ndaturika ndarira gose kwandika bigarukira aho mu nyuma niho nagiye mbona ndi ahantu ku musenyi ku nkengera zikiyaga nicaye ku mutumba wigiti cumye wari uryamye aho ku musenyi ndaba mu

mazi mvuga nti: *Isi imeze nkikiyaga ubuzima bukaba ubwato jewe nduwutwara ubwato, ntibifatye ku buhinga bwuwutwara ubwato kugira ngo ubwato ntibugire isanganya ariko ibihe bifise uruhara runini iyo haje imiyaga myinshi imipfunda ikaba myinshi abatwara ubwato bata amerekezo, ndata ishavu ku waremye ibihe yandemeye ibihe bituma mba mu mwijima ibihe vyose kubaho kwanje kumera nkisanganya ariko ga Mana kuki wataye umwanya undema kugira nze mbeho uku?ubu rero uranezerewe mwijuru utazirwa nanje nirigwana irungu nkararana intuntu nkazindukana agahinda?ntugororotse kuko ivyo wankoreye ntibitunganye!*

Nca ndarira cane nongera nkoma induru nkiri muri ivyo nza numva ijwi imande yanje riti: *Oya sigaho mwana nje reka kuvuga nabi Imana ntakibi kiyivako nitwe twigira babi iyo Imana ikoze bikatugora gutahura ivyo ikoze*

Nca ndahindukira ntangazwa no kubona Papa ariwe anyicaye iruhande nca ndavuga nti:*Papa?*

Aca arahindukira arandaba ati: *Mon fils!*

Jewe: *Papa kuberiki wadutaye raba na Maman sinzi iyo yarengeye ubu mwanshize mu kiyaga muca mukintamwo jenyene singira uwo ndirira nuwo nganyira!!*

Papa: *Oya sinabataye ndikumwe namwe mu buryo mutomenya kandi na Maman wawe aho ari ameze neza igihe nicagera muzosubira mu bonane!*

Papa naherutse ambwora ivyo nasubiye kwumva Kadogo ankomye ambwira ngo mvyuke mfungure kumbe nari nsinziriye

nariko ndarota ndavye mbona habaye mwijoro kera nca ndakangukwa mbaza kadogo nti: *Ni Sangapi?*

Kadogo: *22h04'*

Jewe: *Yeeeh ndagowe basi baranyica kuberiki mutigeze mumvyura ngo nteke?*

Kadogo: *Nice niwe yaje kukuvyura ariko ntiwamwumva anca ansaba ko noza kugutekera kuko umeze nabi ahubwo mbwira wabaye iki ko mbona namaso yavyimvye?*

Jewe: *Nice??*

Nca ndahindukira ndavye nca...

## Agace 6

Nca mbona rya kaye ryanje siho riri ndahaguruka ndasambaguza ibintu ndarirondera ariko ndaribura ndabaza Kadogo ambwira ko ataryo yigeze ambonera nca niyumvira ko ari Nice yoba yaritwaye nca ndagenda ndadodora kucumba ciwe ariko habura uwugurura haheze akanya Maman Nice aca araza ambwira ko yasohotse nti: *Yasohotse aja he ko bwije?*

Maman Nice: *Nice kenshi iyo atameze neza aca agenda kurara kuri eglise nimba umukeneye cane urashobora kumusangayo naha haruguru*

Muvyukuri nari numva ndamukeneye cane kuko sinashaka umuntu asoma "INKURU Y'UBUZIMA BWANJE" nca ndasohoka mbanguka ngo basi nsange atarasoma vyinshi nca ndashika kuri nya eglise nca ndinjira koko nca ndamubona NICE yicaye mu ntebe yimbere yunamyeye nca ndasoboka ndamwegera nca ndabona gateretse iruhande yiwe ndagatora ariko ntarakurako ikiganza nza numva ikiganza ciwe gifashe icanje aca avuga atandaba ati: *Ndakwingiza nimba ukunda ubuzima bwanje ugende wandike suite ejo nzoze gutora aka agacarnet mpeze iyo nkuru!*

Nibajije ko yibajije ko arinkuru isanzwe nca ndiruhutsa nti: *Nta kibazo...*

nza mbona arahindukiye namaso yatukuye cane ati: *Ntubifate ibisanzwe ndi serieuse cane!*

Nca ndamubaza nti: *None wewe ntutaha?*

Nawe: *Oya bibaye ngombwa ko ndara ndasenga we genda ukore ivyo ndagusavye.*

Nca ndahindukira ndagenda ariko naguma nibaza kuri Nice nti: *Kuberiki ameze kurya? afise ikihe kibazo?*

Ah nca ndabandamya ndashika muhira hari hamaze kugera 23h30' ndaryama ariko muburyo ntazi mara isaha nigice nihindukiza mu gitanda vyanse ko nsinzira nca mpitamwo kuvyuka natsa itara ntor a rya kaye nikaruma mbandanyiriza aho nari ngenze naranditse nongera ndandika icantangaje sinigeze nongera kurira kandi siniheze nduha numva umenga harizindi ngumvu ziriko zirankoresha ku buryo nanditse ubuzima bwanje gushika kuruwo musu kandi bihurirana nurupapuro rwa nyuma gusa hasigara page ihereza ndiko ndazinga nca mbone kuriyo page ntanditseko yinyuma hari ivyanditseko mbona ninyandiko ya Nice nca ndabisoma hari handitseko ngo: *Urakoze Mike!*

Nkiriko ndibaza nza numva umuntu adodoye nca ndavyuka kwugurura natangajwe no gusanga ari Nice ndavye mbona bwakeye Nice ntakindi yamvugishije yatoye icarntet aho yariteretse ku kameza kari mu cumba maze yibandanyiriza aja mu nzu nanje nsigara ndibaza ku mpinduka nguma mbona kuri Nice uko bukey ko bwije.

Nice yari yarahindutse rwose kuburyo naje nari nsigaye ndamutinye.

Kuva uwo musu hoho ntiyongeye gusohoka mu cumba ciwe yama yiyugaranye ninrya nazimusanza mu cumba naho nyene ntiyamvugisha. umusi umwe naratinyutse agiye kwugara mpejeje kumuha inrya nca ndafata umwango aca amabaza ati: *Qu'est-ce que tu veux Mike?(ushaka iki Mike)*

Jewe: *Nice j'ai besoin de savoir pourquoi t'es devenu comme ça (nshaka kumenya icatumye umera uko).*

Nice aca aranyitegereza gose mu maso ati: *Rien que ça? (ivyo gusa?)*

Nca nzunza umutwe nemera nawe ati: *Ok injira!*

Nca ndinjira nicara ku gitanda nza mbona Ninjiye mucumba nicara kugitanda nawe yicara iruhande nza mbona azanye imachini yarisanzwe yakije aranyereka mbona site web imwe hari inkuru yanditseko mu gifaranse yarifise umutwe w'amajambo uvuga ngo *"histoire de ma vie"* ndabiravye ndakangukwa nca ndamubaza nti: *Nice ivyo wakoze nibiki??*

Nice: *Nivyo nyene ubona ahubwo ndagusabe ikintu?*

Jewe: *Ok nta kibazo!*

Nice: *Uno musu ku mugoroba turafise igikorane kuri eglise kandi ndashaka ko tujana?*

Jewe: *Sha Nice urabizi ko ataco wonsaba ngo ndakwankire ariko ndakwingize unsabe ibindi vyose ariko ivyo kuja gusenga ubikure no muvuyumviro kuko jewe iyo Mana yanyu nivyo yankoreye ntayo ngikeneye n'Imana itagororotse ivyikora ntibitunganye na gato gusa icompa tugahura imbona nkubone no...*

Nza numva Nice araturitse ararize rwose ati: *Noooo Mike ne dis pas ça je t'en prie (oyaa Mike ntuvuge uko ndagusavye)*

Nza mbona arapfukamyeye amfata mu biganza andaba mu maso azenze amarira menshi ayandi ariko arakoroka aca arambwira ati: *c'est vrai ushobora kuba ubona umwijima gusa ariwo ugukikuje*



ntubona imbere ntubona inyuma ntubona no kuruhande ijoro  
ryawe risa niryabaye rirerire ariko nashaka ndakubwire ko bugira  
buce Imana niyo yaremye ijoro kandi niyo yaremye n'umurango  
nuko kuri uno musu nyene urahura nayo mwino si yabazima kandi  
uraza gutahura impamvu y'ubuzima bwawe.

Nice yavuze ayo majambo numva umenga harikintu kinkubise ku  
mutima ariko sinatahuye icarico ndarab kumwankira ariko numva  
anteye ikigongwe nca ndamwemerera kugira na gusa areke  
kubabara.

Uwo musu yaransabiye uruhusha Maman wiwe turajana.

Mvugishije ukuri ibintu vyogusenga ntamakuru yavyo nari mise  
menshi kuko jewe nakuze ntasenga n'Imana sinayizera cane  
uretse ko numva umenga ni jewe Mana yanje nyene.

Uwo musu twaragiye dushika kuri nya eglise turinjira  
abaprotocole baradutwara twari twacerewe gato abantu bari  
bamaze kuba benshi mwisengero ariko hari intebe zibiri zari  
zigaragara aba arizo twicaramwo ibintu vyose kuri je wamengo  
ndi muyindi si kuko vyose vyari bishasha bararirimba bagatamba  
jewe nari umurorerezi.

Mu nyuma hageze igihe c'ubutumwa

Umugabo umwe araza ati: *Halleluyaah!!!*

Numva ishengero ryose ngo: *Ameeeen!*

Nanje aho narindi nongeye kwumva ikintu kinkubise mu mutima  
ninguvu kuburyo nahatswe kuva mu ntebe nari nicayemwo ngo  
ngwe hasi nca ndifatikiza ku ntebe ntangura kwumva ubwoba mu  
mutima ntari nzi ico buriko buravako ndavuga nti ngomba

nsohoke ntahe kuko numva ntameze neza harya ngira mpaguruke nza numva Nice aramfashe ukuboko ati: *Mike gumaha ntaho uja!*

Nca nguma nicaye numviriza ubutumwa

Umugabo ati: *Numva Mpwemu ariko arambwira ko nkwiye kwigisha kubijanye nubwibone...ubwibone ni ukwiraba ukagira ivyo wibonako bikagutera kwumva umenga harico urushije aband...rimwe na rimwe ugasuzugura aband kuko wama wumva ko ari we uri mwiza kurusha aband...ikindi gihe ukumva ko umerita icubahiro kirenze icabandi...ijambo ry'Imana riratubwira ngo uwicisha bugufi azoshirwa hejuru yamara uwishira hejuru azocishwa bugufi...akarorero ka mbere ni lucifer yari umumalaika mukuru ariko kubera ubwibone yipfuza kungana n'Imana ariko ntivyamukundiye kuko yaruhiye gukororwa yakwa icubahiro cose yarafise acirwako iteka gehinomu niryo herezo ryiwe...murazi Nebukadineza igihe yishira hejuru maze Imana ikamucisha bugufi akamara imyaka indwi mwishamba arisha ivyatsi...murazi Herodi igihe yigira agahambaye abantu bakamugereranya n'Imana ko yakubiswe inkoni n'umumalaika agaturiko inyo...uno musi abantu benshi baribona abakobwa bumva ko amatako namabere yabo ari meza bakayagendeza hejuru abahungu batwarira ibikiriza hejuru ngo n'aba eau gar Mpwemu arambwiye ngo mwihane kuko Imana birayisesema...*

*hari nuwundi ariko aracishwa bugufi ariko ntatahura ivyo arivyo gusa Mpwemu arambwiye ko hamwe yokwemera akihana Imana igiye kumuhindurira amateka Iman nta muntu ishaka kugirira nabi ariko ishaka ko bose bashika ku kwihana...*

Ico gihe ayo majambo yose yarayavuze numva neza ariko avuga jewe sinamenye igihe amosozi yakorokeye nasubije amaso inyuma numva neza ko ubuzima bwanje bwaranzwe nubwibone gusa nta gihe nakimwe nigeze nca bugufi.

Je nyene naribwirije ndapfukama ku mavi ndarira gose ndasaba Imana ikigongwe.

Haheze umwanya utari muto mpfukanye nkisaba pardon Imana nza numva ijwi rimbwiye ngo: *Ndakubabariye kandi humura ushire amanga kuko mu gihe gikwiriye nzogukoresha uzombera umukozi nanje ndakubere Sobuja.*

Mpejeje kwumva ayo majambo nagize ngo ndarose nca ndakanura ndahaguruka ndavye mbona mwisengero nsigayemwo jenyene nca ndasohoka ngeze hanze nsanga Nice yandindiriye sinzi ukuntu vyanjemwo nca ndamuhobera cane numva nezerewe gose kuko numva nabaye mushasha nca ndamubwira nti: *Nice merci cane wakoze kuntumira nukuri ndumva ko guhura nawe ntazovyicuza ur'umumalayika Imana yandungikiye.*

Nice aca arambaza: *Ubu uremera Imana?*

Jewe:...

## Agace 7

Jewe: *Cane mbere yanambwiye ibintu!*

Nica yaramwenyuye gusa tuca turataha dushitse muhira Nice yaciye asubira kumpa ya terefone yanje hama ubuzima burabandanya ariko vyukuri numva nduhutse.

Imisi yaragiye iyindi iraza umusi umwe nagiye mbona Maman Nice ansanga mu gikoni mpejej gushira ku meza nanje ngomba mfungure ambwira ati: *Mike urashobora kuza gusangira natwe muri Sallon ku meza?*

Jewe narakangutswe ariko nti: *Ego!*

Nca ndagemda nsanga bese baricaye kumeza nanje nshira isahani yanje ku meza nkwega intebe ndicara

Nza mbona Nice aramwenyuye ati: *Waooo none kuberiki utamuzanye kuva kera tukaza turasangira maa!*

Jewe nti: *Oya!*

Nice ati: *Je urazi iyo ikibanza canje kiri nubundi ndazi ko ngira nsezererwe ariko muhumure jewe nta kibazo ahubwo ndabashimira cane ku gihe tumaranye mwambereye umugisha jewe sinoronka ico ndabitura ariko Imana yonyene irabona igikwiriye kandi ngo uwufashije uwugowe aba aguranye Imana nukuri merci!*

Nza numva Nice aratwenze cane ati: *Ariko nawe Mike uratwengeje ninde yakubwiye ko ugira usezererwe?*

Maman Nice ati: *Erega nubundi nivyo agira asezererwe!*

Nca ndaba Nice mu maso mbona asa nuwikanze kandi yijiriwe ati: *Saa? Maman mbwira ko uriko urakinza plz?*

Maman: *Est-ce que ubona nsa nuwuriko arakina Nice?*

Nza mbona Nice atereye ikiyiko ku meza aca arahaguruka aragenda no muri coridor ndamubona kubera aho nari nicaye hari harabana no muri coridor aragenda ashika yegeka umutwe ku mwango aca arahindukira turahuza amaso mbona agomba kurira aca arazunza umutwe arinjira mu cumba Na kadogo yaciye ahaguruka aragenda dusigara ku meza turi babiri.

Maman Nice ati: *Burya rero nubwo mwanse kunyumviriza sinari bwaheze!*

Jewe: *Ntibikabe Mabuja hm nako Maman Nice iyo nkuru siyawe yo kutumvirizwa ndetse naho ari ijambo rya nyuma ugomba umbwire ndazi ko arirya agaciro ndumunyamahirwe ko ngiye kuryumviriza kuko naho nzoba ngeze kumpera yisi nzoryibuka mbere nu kumunsi wanyuma nzoba ngira nsubize ubuzima Umuremyi nzokwibuka ineza wangiriye kuko ni wewe utitaye kukuntu nari nsa umusi nza nkugana ndagusaba ubufasha nawe ufata risk umpa amahirwe nari nimwe nabo nahuye bese mbere yawe nukuri niteguyebkukwumva atri kubera gusa wanyumvirije mbere ariko kubera ubikwiriye Maman Nice uragahezagirwa!*

Maman Nice: *Oya nibisanzwe gusa nyene sicoroshe gukora iciza ariko birashoboka urets ko kamere yacu misi yose umutima utubwira gukora iciza nayo ikatubwira ibinyuranye ndetse tukiha impamvu zumvikana zo kudakora iciza kubera ukwikunda ariko n'ijambo ry'Imana riravuga ngo nta kimazi kitagira ico kigukeheje nico gituma jewe iyo nkoze iciza ndatangara mbere*

*nkashimira Imana kuko ndi sûre ko ataba arijewe nagikoze ariko n'Imana iba yashimye kugikorera muri jewe suko nari ndabikwiriye ariko nyene nubuntu mba nagiriwe nka kurya kwa Mariya yagiriwe ubuntu bwo gutwara inda ya Yezu suko yari mwiza kurusha abagore bose bari kwisi ariko niwe yagiriwe ubwo buntu rero ntufate umwanya munini ushimira jewe ariko shimira Imana kuko niyo yabikoze kandi niyo izi umugambi igufiseko...*

*Jewe: Nivyo ariko kandi Imana ntikoresha uwushoboye ariko ikoresha uwiteguye kandi igashoboza uwikoresheje nukuri nawe urafisemwo uruhara kuko waremeye gukoreshwa n'Imana ndagushimiye kubwivyo rero.*

*Maman Nice: Hm ok ariko mbere ya vyose ndashaka umanze umbwire kahise kawe kose ataco usimvye!*

*Jewe aho ndi namanje ndiruhutsa ariko kubera nari nzi ko Imana yanduhuye nca ndugurura akanwa ntangura kuvuga: Burya rero je ndi mubo isi yahisemwo kwigisha ikoresheje inkoni kuko nanje nari umunyeshure w'intumva vyabaye ngombwa ko nkubitwa nubuzima kugira mbashe kwugurura amaso nitegereze mbone numvirize numve ntahure jewe mvuka...*

*Nabwiye Maman Nice Story yose uko muyizi ariko nagiye guheza yahogoye ati: Mike humura nukuri Imana irakubona kandi igikuru nuko watahuye impamvu y'ubuzima wacyiyemwo.*

*Jewe: Ariko igihe cose nama numva ko ari je nishee Papa ndetse na Maman ashobora kuba yarabigendeyemwo!*

Maman Nice: *Oya Mike ivyabaye vyarabaye kandi waramze kubabarirwa nico gituma nawe ukwiye kwibabarira ugasiga kahise nyuma ukaraba imbere ugasigarana icigwa gusa.*

Jewe: *Sicoroshe ariko nzogerageza...*

Maman Nice: *Burya rero ndakubwira ko ngira ndagusezerere nuko ngomva ko usezerera karya kazi ko mu gikoni nakuboneye akandi kazi kuva ejo aho bukeru uzoja gukora muri pharmacie yacu iri muri ville umukozi yahora ahakora yansezey uno musi ambwira ko agiye muri Kenya.*

Jewe aho narindi nabuze uko nifata kubera umunezero umwanya umwe numva umenga nohaguruka nkamuhobera Maman Nice ariko ndifata kubera ndamwubaha cane nawe nyene arabibona kubera naragerageje no kuvuga biranka kubera ikiniga c'umunezero amosozi arazenga aca ambwira ati: *Genda uhumurize Nice nawe ndazi ko mwe nawe il ya quelque choose hhh*

Aca arahaguruka aragenda nanje nacunganye nuko agenda nca ndahaguruka ntangura kunyukura akaziki ntamba shakushaku ntamba rwararwara ntamba rege ntamba intambo zose zubwoko bwose nca ngenda kuraba Nice no muri coridor agenda ndakanyukura akaziki sinzi ukuntu nizungurikije nkuko nabonye Ne-yo yahora abigira ayayaaa nca ndahenuka no hasi ngo poooonumva ikigongo umenga kirakenyutse ariko kubera umunezero nari mfise nabandanyije ndakanyukura sinzi ukuntu narungitse ukuboko numva nkoze kumuntu ndakangukwa ndavye nsanga ni Nice nawe aryanye iruhande yanje ndakangukwa nti: *Yampayaamaso wee Nice we we uri ngaha gute?*

Nice: *Reka reka ahubwo uranyishe urazi jido umpaye? Ndasavye umbwire ko Maman akwirukanye uca ugenda urakinira Tayikwondo kubantu bose?*

Gusa yabovuga agomba gutwenga ariko kandi mu maso hiwe hagaragaramwo agahinda.

Naramaramaye bukebuke ariko nkumva ntaco bitwaye nca ndahaguruka ndamuhagurutsa harya nyene ndiko ndamwengengana ndamutwara muri sallon nawe aca arantega tuca turasubira turagwa je nca ngwa hasi nawe angwa hejuru turabanye iminwa hafi gukoranako.

Nanje kubera umunezero navuze namukweze tuba turisomanira oh lala iryo joro kbsa ryambereye umugisha kubera umunezero nagiza ntawo nari bwigere ngira na rimwe kuva mvuka niho Nice yaciye anyiyaka aca agarama ku ruhande.

Nice: *Twari dufise imyaka umunani ijoro ntazopfa nibagiye rya twe na Charlice ihasa ryanje vyose vyari bimeze neza ndavyibuka tuvuga tuti ntituje kuryama tuguma aha muri sallon yaragaramye aho nyene tuza turaharura udu carraux turi kur plafond ndibuka akajojo yateyeko kakamatako sinarinzi ko warumusi wanyuma wo kumubona.*

Jewe: *Yooh burya bwose wahora ufise ihasa?*

Nice: *Ego bagriye isanganya rimwe na Papa baca bahasiga ubuzima namwita Lice akanyita Nice burya jewe nitwa Bernice!*

Jewe: *Nukuri pole sana Nice rimwe narimwe ubuima ntubutubera umwana mwiza kuko budutwara abacu bagaciro tukibakeneye*



*bukatwumvisha ko Imana yabakunze kuturusha ibintu je ntigera ntahura ariko ntakundi nukwihangana.*

*Nice: Kenshi Maman arakunda kuja muri crise ya depression kuburyo afata ingingo zitari zo kubera akababaro ariko ndagusezeraniye ko ejo nzovugana na Maman ndazi azokwisubirako.*

*Jewe nti: Oya Nice ntiwirirwe urigora erega harico utazi...*

*Aca anshira urutoki ku munwa ati:ico ntazi sinkakimenye gusa jewe nubwo Maman yoguta sinzogutererana kuko ndagu...*

## Agace 8

Nice: *Ico ntazi sinkakimenye gusa jewe nubwo Maman yoguta sinzogutererana kuko ndagu...*

Ataraheza twaciye twumva urugi rwugurutse muri coridor turikanga nari ngize ngo ni Maman Nice aje ntangura kwumva ubwoba ariko kubw'amahirwe yari Kadogo ubwo nyene tuca turahaguruka nsezera Nice tugenda kuryama ngeze mu muryango nibuka ko ntabwiye Nice ivyo Maman wiwe yambwiye nca ndahindukira bihurirana nawe ageze ku mwango wicumba ciwe nca ndamubwira nti: *Burya Maman wawe ntiyansezereye ahubwo yampinduriye akazi kuva ejo nzoja gukora muri pharmacie.*

Nice yararyohewe arampobera tuca turasezerana kuko bwari bwije gose nca ndaja kuryama ndi mu gitanda natanguye kwiyumvira ukuntu ngiye gutangura akandi kazi kiyubashe ndavuga nti: *Bisa naho hari agatoboro gato gatuma hari agaco gato karengana kakamurikira ubuzima bwanje iyaba Maman yarakihari ndazi nawe twosangiye uyu munezero.*

Naherutse ndi murivyo nza mbona ndikanguye bwakeye nca ndavyuka nditegura numva atari je mbona ndashitse kukazi kandi ntivyatevye narashitseyo kuko twajanye na Maman Nice turagenda no muri Ville ahantu hari iyo pharmacie yari nziza cane kandi iteye imbere dusangamwo uwundi mukobwa mwiza w'inzobe yariko arakora.

Maman Nice ashika amuramutse ati: *Berny ndakuzaniye uwo mukorana aje gisubirira Henry yitwa Mike*

Aca arandaba ambwira ati: *Mike uyu yitwa Berny niwe mugiyeye gukorana.*

Nta kindi nakoze nahereje ukuboko Berny ndamuramutsa ariko yanka kukwakira ahubwo aguma yandika gushika igihe Maman Nice yabwiye: *Berny muramutse kandi unamumenyereze mu kazi!*

Berny yarandamukije nabi nabi ariko ndavyirengagiza kuko ntari nzi impamvu yavyo.

Kuva ubwo natanguye akazi ko muri Pharmacie ntikanyoroheye kuko Berny naho namubaza ntiyanyishura umusi umwe nditorana ndamubaza nti: *Berny kuki umeze uko?*

Berny: *Meze gute?*

Jewe: *Kuki kuva nkije ata musu mumwe wigera ushaka nuko ndakuvugisha niyo ngize icyo ndakubaza utanyishura? Niki twapfuye? Basi tuma umbwira ikosa nakoze nsabe pardon?*

Berny aca aratwenga cane ati: *Ikosa wakoze niryako kubaho vrayement none nka wewe? Mxiuuu!*

Aca arazunza umutwe yirabira muri telephone haheze akanya aca arandaba ati: *Umva ndakubwira rero sha nyamba ari Mayike ntumbaze jewe nawe nubwo dukorana ntaco duhuje kandi ntaco duhuriyeko ni hamwe nyene n'isazi mushobora guhurira ku meza mutabivuganya maze ikagucapfuriza inrya nimba wikunda ufate ko ntabaho nanje mfate ko utabaho!*

Naratanganjwe namajambo Berny yambwiye kandi yarankomerekeje cane ndababara ntangura kwiyumvira nti:

*Kuberiki abantu bameze uku vrt? Urashobora kwanka umuntu umuhoye ukuntu asa nukuri?*

Ubwo nyene nkiriko ndiyumvira ivyo nca nibuka amajambo nigeze kubwira Bernice nca ndavuga nti: *Urakoze Mana ko unyumvishije uko bimera igihe umunta adahawe agaciro akwiriye.*

Nca ndahindukira ndaba Berny nti: *Urakoze Berny vyibuze uramvugishije kandi ndanezerewe kandi ndagutahura cane kuko urafise impamvu yo kuvuga uko uri mwiza wipfuzwa na buri wese gusa isi n'umwigisha mwiza twese igenda iratwigisha nawe igihe kimwe uzotahura igituma mvuga ibi.*

Nta na kimwe yasubiye kuvuga maze turabandanya akazi imisi iraza iyindi iragenda tutavugana gusa kuri jewe ubuzima bwaguma bumera neza kuko harageze igihe na ya ngwara irampa agahengwe imiti nca mba ndayihagaritse ntangura kuza ndiyitaho mu dufaranga nahembwa mu buryo ntazi mbona nakabiri ntanguye kugatora bukebuke ntangura gusa neza pharmacie nayo ya Maman Nice ibandanya itera imbere gushika naho hagera ko twugara 18h abakiriya bakiri benshi umunsi Maman Nice araza kuraba ukuntu akazi kagenda nca ndamupropoza ko twohindura tugakora 24h/24h amanza aravyanka kubera ko yumva ko dukwiye kuruhuka ndamubwira nti: *Urabona iyi pharmacie irateye imbere kandi irimwo imiti myinshi utosanga ahariho hose ikindi naco ntidukwiye gukora kubera amahera gusa ariko dukwiye kubikora kubw'amagara yabantu ibaze nkumsi Nice yogwara mwijoro ukamutwara kwa muganga docteur akamwandikira umuti ugurirwa muri pharmacie imwe kandi uwo*

*muti atawuronse mu masaha abiri ashobora kugenda hama ukaja kuriyo pharmacie ugasanga irugaye wokwifata gute?*

*Maman Nice: Reka reka ntayibomoye iyo pharmacie nokwiyahura kuko sinouporta kubona Nice agenda Papa Nice na Lice baragiye ndihangana ariko kuri Nice hoho nojana nawe nukuri...*

*Nca ndamubwira nti: Rero harya mu buzima ni vyiza kwiyumvira ibituraba ariko tutirengangije abandi burya ico utipfuza ko cokubako ntuze wipfuze ko kiba kuwundi.*

*Maman Nice arabanza ariyumvira ati: Burya Mike uratangaje nukuri! Imana iguhezagire vraiment kandi uwo mutima niwawamana ntakabuza uzoza iparadizo nimiburiburi mu mutima wawe no mumitima yabazoba mubuzima bwawe nawe ukaba mu bwabo!*

*Kuva ico gihe twatanguye gukora 24h/24h.*

*Nice ntitwari tukibonana cane kubera akazi uretse ko rimwe rimwe yaza kundaba ariko kubera akazi kenshi ntitwaronka akanya ko kuganira ariko umusi niyumvira ko nosaba aga pause ku mugoroba nkaza gusohoka na Nice tukaja ahantu tukaganira kuko hari haheze igihe kinini tutavugana niko guterefona Maman wiwe ndamusaba uruhusha nawe aranyemerera nca nterefona Nice aritaba ati: Hmm Mike wewe bigenze gute kugira unterefone?*

*Jewe: Eeh burya rero waruzi ko ntogufona?*

*Nice: Burya wewe waranyanse gose uca uranyibagira ndabizi...*

*Jewe: Nice hako nokwibagira wewe notuma niyibagira!*

Nice: *Aho daa mbwira basi ico unterefoneye kuko ndumva umenga harikintu...*

Jewe: *Oya ntihari ikintu kuko ikihari kiruta ikintu kuko nshaka kukubona kuruyu mugoroba nkumbuye kwumva undemesha nkumbuye kwumva umpoza ndiko ndarira nubwo ubu ntorira kubera umubabaro ariko nkarizwa numunezero wo kukubona iruhande yanje ntashaka ikintu na kimwe codutandukanya ndashaka kukwongorera ijambo ndagushaka ce soir noneho sinirirwe ndavuga menshi uze kuza kumpitana kukazi uravyemeye Nice mwiza??*

Nice: *Icipfuzo cawe nico canje Mike isaha niyo ngoma ndaba nshitse mu bwami buyobowe n'umwami Mike nze kudepoza ndabe ko nohabera umwamikazi hhh*

Jewe: *Oya rero hora ntutume tubihereza kuri fone ivyo tuza kuvugana turabana mumboni zacu!*

Nice: *Ego sha à plus rero cao!*

Nakuye fone ku gutwi nca ndiruhutsa ndamwenyura numva nezerewe kukuntu gusa twari tumaze kuvugana na Nice nguma nsubiramwo mu mutima amajambo namubwiye nkaca nsubira nkitwenga haheze akanya nza mbona ibiganze bihaye bica ku maso yanje nca ndakangukwa kumbe yari Berny aca aratwenga ati: *Niho nkimenya ko koko udakomeye nukuri urazi kuva aho naguhamagariye ukishinga widoga??*

Jewe: *Nivyo ndarwaye kandi nukuri ingwara nrwaye nsishaka kuyikira kuko ituma numva merewe neza kandi nico gikuru kuri je.*

Berny: *Ok noneho rero jewe nashaka nsimbira ahantu gato ndagarutse.*

Jewe: *Ariko ivyo ntiwarukwiye kubanza kubimbwira?*

Berny: *Ibaze rero nawe impamvu itumye ndabikubwira!*

Aca aragenda nsigara niyumvira ibifashe Berny ubu naho ko naheruka ambwira ko nkwiye gufata ko atabaho kuko nawe yafata ko ntabaho nti: *Kumbure yoba yosubiyeko? Vyoba vyiza ariko..*

Nca ndavyirengagiza hama mbandanya akazi haheze nkisaha nza mbona...

## Agace 9

Haheze nkisaha nza mbona Berny aragarutse yahinduye impuzu yambaye agashati kameze nkagakanzu kagufi igipesi co hejuru kirafunguye igikiriza kiboneka igice kbsa Berny ntawoharira ko yari mwiza kandi gose kuburyo naje namuravye nkamusamarira nkibagira nivyho nari ndimwo birananira kwifata nsanga namubwiye nti: *Berny nubwo umaze kubibwirwa na benshi reka nje mu gitigiri cabandi kumbure naho ataco vyokubwira canke bikakubihira mu matwi bivanye nuwubikubwiye nuburyo ndabikubwiyemwo ariko ntaco bimubwiye reka ndabivuge uri mwiza kandi uraberewe!*

Nari niteze ko aca anyimyoza nkuko yama abikora ariko uwo musu natangajwe ninyifato yanyeretse itandukanye nuko yahora ameze.

Yaciye abanza aramwenyura aca aza angana atereka envelope yari azanye kuka etagere hama araza amfata kwizosi ati: *Merci Mike kandi humura burya ijamba rimwe naho woribwirwa nabantu barenga igihumbi rigumana akanovera karyo kuko buri wese aba afise impamvu yiwe itandukanye itumye arikubwira ari naco gituma ntaha agaciro ijamba ariko mpa agaciro impamvu y'ijamba na nyene kurivuga.*

Jewe nti: *Waaaa burya bwose ufise amajamba meza nkuko kwose?*

Berny: *Vyose navyigiyeye kuri wewe igihe cose iyo numvirije ingene ugashyiriza abakiriya amajamba yose ubabwirira ankora ku mutima*



*ku buryo mpora nibaza iyo waje uturutse kuko uratandukanye nabubu runganwe!*

*Burya umuntu wese urashobora kumucira urubanza umurabiye kure ariko umwegereye ugasanga aratandukanye nico gituma mu congereza bavuga ngo don't judge a book by it's cover nanje nivyo vyambayeko ndagucira urubanza ntakuzi none ndashaka ndagusabe pardon kukuntu nitwaye ndashaka kugiriranira amahoro nawe Mike please urashobora?*

Jewe aho nari ndi nasa nuwarabonekewe kuko sinari niteze ko Berny yohinduka numusi warimwe ngo ambwire amajambo nkayo nca ndamubwira nti: *Burya mu buzima ntawutihenda ariko ukwihenda kuruta ukwihenda kwose nukutamenya ko wihenze rero igihe utahuye aho wihendeye ukikosora biba vyiza hama urisanga pardon yanje urayifise.*

Nagiye mbona ansimbirako arampobera gose yanka kundekura nanje ndamureka kuko uretse na jewe nari numva nezerewe ku mugumya mbere nkumva ndi fier yiwe.

Haheze akanya aca arandekura ati: *Sha ibi ntegezwa kubiserebra kbsa!*

Aca akora muri ya enveloppe akuramwo uducupa tubiri twinzoga aca ampa kamwe ndatangara nti: *Berny burya bwose waje witeguye?*

Berny: *Eego ch ntushobora kwibaza ukuntu nezerewe!*

Jewe: *Ariko yamara rero aha ni muri pharmacie nta nzoga zikwoye kuhaza!*

Berny: *Aaah Mike relax rekana nizo mind ndaba mu maso!*

Nca ndamuraba mbona aguma yirya iminwa aca aguma ansatira gushika atanguye kunsoma nanje ndatwarwa ntagura kumusoma naje atangura kunkorakora twibagira nuko turi muri pharmacie nubwo twari hirya gato atawari gupfa kutubona ariko haheze nka 5min ntazi ivyo ndimwo nagiye numva umusonga mu gitsina ndababara gose nca ndamwiyaka nja kuruhande ariko nanka kubimwerekana

Berny: *Mike qu'est-ce qui se passe? (habaye iki)*

Jewe: *Rien c'est juste que je ne me sent pas bien (ntanakimwe nuko gusa ntiyumva neza)*

Nkiri muri ivyo ndavye imbere yanje nza mbona hasi ishurwa ryakorokeye hasi ntazi igihe ryahashikiye kandi na Berny aho yaza ntaryariho nca numva umutima urasimvye nibuka Nice nca nsohoka niruka kandi koko nca ndamubona Nice agenda buhorobuhoro yacitse intege nti: Mana Data Rugiravyose jewe ndambaye ibara nako Berny ararinyambitse nca ndiruka mpamagara nti: Nice hagarara ndagusigurire vyose.

Nice aca arahindukira ariko ararira ati: *Wapi Mike ntibikenewe amaso yiboneye namatwi ariyumvira kandi pardon ikosa niryanje niyumviye nshika kure ahadashoboka.*

Aca arahindukira aragenda ajabuka ibarabara ndavye ruguru hari imodoka yariko iraza ndabona nezaa ko imugonze nca ndakoma induru nti: *Niiiiiiiceeee!!!*

Ariko hari hamaze kurengerana kuko yagonzwe nirabira nca ndiruka ndamusanga aho yari yamijukiye nsanga ntakakaza nti: *Nooooo Nice ntushobora kungirira ibintu nkivyooo!*

Nza numva Nice mu kajwi gato ati: *Mike ndeka nigire kuko ivyo wankoreye biruta ibi!*

Aca araraba.

Ndamunyiganza ndamukangura nti: *Vyuka ndagusavye mpa mahirwe yanyuma nukuri ntugende!*

Ariko wapi ntagukakaza ntangura kugira ubwoba ndihebura amosozi aratamba gushika aho bankomeye bambwira bati: *Wihangane!*

Ndunamura amaso mbona umugabo ariko ambwira ngo nihangane nca ndahaguruka ndamufata mwizosi nti: *Eeh wewe urinde umbwira ngo nihangane? Eeeh? Urazi Nice uwariwe kuri jewe? Nigice c'ubuzima bwanje! gute ushobora kumbwira ngo nihangane mbona igice c'ubuzima bwanje kiriko kirancika mbona?eeh!*

Umugabo: *Iyaba wari uwundi wari kuba wamwuriye tukamujana kwa muganga nimba koko ico ari co avuze ku buzima bwawe.*

Nca ndamurekura koko numva avuze vyo nca ndahindukira nsanga bamwuriye imodoka nanje nca ndagemda kwurira nza numva umuntu amfashe ukuboko mpindukiye mbona ni Berny ati: *Mike none ko unsize ugiye he?*

Nagiye numva ishavu riduze nibutse ko ariwe yabiteye vyose numva inzigo nishavu vyose wamenga nobimwitura nduza ukuboko ngomba ndamumashure ariko nasubiye kwibona nryamyeye mu cumba ndi jenyene ndavye ku ruhande mbona ncometswemo serum nibaza ibiriko birambako harya nkicibaza

nza mbona umukobwa w'umugangakazi yinjiye nca ndavyuka ndicara nti: *Hey aha ndi nihe ndiko nkora iki?*

Nawe: *Eee burya wavyutse?*

Jewe: *Nyishura ikibazo ndakubajije!*

Nawe: *Tuza manze ndakugirire ibipimo ndabe ko umeze neza!*

Jewe nca ntangura kwibuka nibuka vyose yeee maciye mcomora ibiserumu mpaguruka niruka mpamagara Nice wa mugangakazi asigara arampamagara narenze ariko ngeze imbere ndiyumvira nti: *None ko nirutse ndamenya ndamuronderera he?*

nca ndasubira inyuma nca nsubira guhura nawa mugangakazi nti: *Nice ari he?*

Nawe: *Ndibaza uwo urondera numukobwa mwazananye bamugonze nkurikira ndamukwereke...*

Nca ndakurikira ariko jewe narihuta nkasanga namusize sije nabonye turashitse ahantu ambwira ati: *Ari indani abaganga bariko baramwitaho rindirira aha inyishu umuganga atanga.*

Nagomvye kwinjira indani ariko baramfata haheze akanya nca nicara ku gatebe kari aho hafi ndicurikira nza numva ijwi ngo: *Mike Nice wanje akagira icaba nanje nca niyahura...*

Mpindukiye mbona ni Maman Nice nawe yarize yahogoye namaso yatukuye biba ngombwe ko ndeka ivyo ndimwo ndamuremesha nti: *Imana ntiyovyemera ko agenda nukuri!*

Ubwo nyene tubona umuganga ati: *Nimwe mwazanye urya mukobwa yagize accident?*

Twese: *Ego ameze gute?*

Maman Nice: *Ndagusavye ntumbwire inkuru ntashaka kwumva dogite!*

Muganga: *Umwe muri mwe naze tujane mu biro!*

Maman Nice: *Mike genda kuko jewe mfise ubwoba bwinshi...*

Nca ndahaguruka nkurikira muganga tugeze mubiro turica aca ambwira ati:...

## Agace 10

Tuca tujana na docteur mu biro nari mfise ubwoba nibaza ico agiye kumbwira aca ambwira ati: *Umukobwa ibipimo vyose twamugiriye vyerekanye ko atakibazo yagize gusa bigaragara ko yari yagize ikibazo mu kuntu yari yiyumva ninaco camugumije asinziriye gusa niyakanguka tuca tumusezerera.*

Aho nari ndi numvise nduhutse nca ndasohoka buhorobuhoro Maman Nice ambonye agira ubwoba mbona atanguye gukorora amosozi nca ndamubwira nti: *Humura Nice ameze neza Maman!*

Tukivugana tuza tubona Nice arasohotse mu cumba yarimwo Maman Nice aca ahaguruka yiruka kumuhobera Nanje ndi inyuma ya Maman Nice igihe bahoberana nariko ndabana na Nice aca arakorora amosozi nanje nca ndaba hasi ndatinya kumuraba haheze akanya muganga araza ashika ambwira ati: *Wao Imana ishimwe ko yikanguye ubu ndashobora kubandikira mugasohoka ibitaro mugataha!*

Tuca turakora ibisabwa hama turataha dushika muhira twicara muri sallon tuguma duhoze Maman Nice aca arahaguruka arasohoka dusigarana na Nice nca ndavuga nti: *Nice!*

Nice: *Sabwe!*

Jewe: *Urashobora kuntega amatwi nkagusigurira!*

Nice: *Mike sinibaza ko harimpamvu nimwe ufise yo kunsigurira uretse nanje ko namye ndakwumviriza nubu nta mpamvu yombuza kukwumviriza!*

Jewe: *Nukuri hagati ya jewe na Berny nta kintu na kimwe kihari.*

Nice: *Nta kintu na kimwe kihari? hhh je ahubwo naheruka mudacana uwaka ariko natangajwe no gusanga ibintu vyarafashe iyindi nzira!*

Jewe: *Birya kurya wabibonye na je vyantangaje kurya kandi sinzi nimpamvu nabikoze plz Nice ndakwingize ntunje kure mbabarira kuvyabaye ndagusezeraniye ko bitazosubira!*

Nice: *Mike reka kwirirwa urigora jewe nta kibazo uri nka musazanje kandi urafise uburenganzira bwo kwiha amahirwe nuwo ushaka igikuru kuri jewe nuko nokubona unezerewe nimba Berny ariwe mahitamwo yawe nukuri ndagushigikiye ico nizera nuko isi yakwigishije utazosamara ngo igiti kigukore mu jisho kabiri!*

Jewe aho narindi numva umengo ariko arancumita nti: *Nice urabizi neza ko urengeye kuba mushiki wanje kandi nawe ndizera ko Imana nibishaka uzobona ko ndegeye kuba musaza wawe!*

Nice: *Reka turindire rero!*

Aca arahaguruka aja mu cumba nanje nsigara niyicaranye muri sallon nibaza ibintu biriko birambako haheze akanya nca ndahaguruka nsubira ku kazi nsanga Berny ariko arakora nkuko bisanzwe aca aza ariruka kumpobera akiri mu bitugu vyanje nca ndamubwira nti: *Berny nibaze ko atacinyegeje inyuma yibi?*

Nawe: *We ushaka iki?*

Nca ndamurekura nti: *Berny nivyiza ko wahindutse kandi nanje vyaranezerewe kubona umpa agaciro ukamvugisha kuko ndazi namajana menshi yabasore bipfuza kwumva akajwi kawe bakipfuza kwumva igikiriza cawe baguhobera nakamoto kawe*

*keza ni benshi bipfuza aya mahirwe nahawe nakazi yoguhorana nawe umwanya wose kandi nanje ndavyishimira ndishimira kuba mu gitigiri ca bake bagiriwe ibakwe ryo kuba mu buzima bwawe Ndumva nshaka kumenye ni hehe witeguye gushikana nanje?*

*Nice amwenyura: Mbega igicheri ciza ku majambo meza nukuri ndakunze amajambo meza umbwiye umpa agaciro noneho gutanga agaciro nivyawe kuko nanje uriko urabinyandukiza...*

*Tukivugana hacye haza abakiriya benshi biba ngombwa ko ikiyago tubanza tukagica turabanza turakora ku mugoroba niho nagiye mbona Maman Nice aje yihuta ati: Mike ingo hano mumuduga ico tuvugana gato.*

*Nca mdasohoka twinjira mu modoka aho yariparitse nca ndamubaza nti: Nimpore??*

*Nawe ati: Umva hari company yo muri Kenya ikora imiti yipfuza gukorana natwe kuburyo bwihariye kuko bamaze kubona ko tubashorera imiti myinshi kandi tumaze igihe kirekire dukorana rero bipfuza ukuntu bokorana natwe mu bundi buryo bakuguruza irindi shami ryabo hano mu burundi kandi iryo shami rizoba riri mu burundi nitwe tuzoba turijejwe bizokwagura business yacu bidushikane kurundi rugezo ndetse nigihugu cacu kivyungukiremwo.*

*Jewe nti: Waaaawu mbega vyiza? Nukuri felicitation Maman Nice*

*Maman Nice: hhh ni kuri twese kuko nawe birakuraba kuko kuva ubu manze kukwandikako iyi pharmacie burya nabonye urumuntu mwiza kandi ari responsable mbere kuva uje mumuryango wacu*



*twagize umugisha udasanze duterimbere bitangaje kuva uje gukorera muriyi pharmacie burya je ndagufata nkumumalayika Imana yandungikiye.*

Jewe naratangaye muga kandi ndaryohereza cane kuburyo amosozi yatanguye kunzenga mu maso kubera umunezero nca ndamwishura nti: *Nubwo ntabitahura kuko birenze ubwenge bwanje ariko mwijambo rimwe reka mvuge nti urakoze kandi Imana ishishikare kubahezagira.*

Maman Nice: *Rero kubwivyo ejo 8h muzoba muri mundege mwe na Nice mugiyeye muri Kenya gusinya amasezerano je ndashaje sinosupporta ikirere rero nimba ataco utora indani muri pharmacie dutahe uje kwitegura kuko namaze kubaronderera ama passeport mwese nitike yindege!*

Jewe: *Bon ntanakimwe gusa reka nje gusezera Berny.*

Maman Nice: *Sawa*

Nca ndasohoka mudoka nje muri pharmacie nsezera Berny nubwo bitamunezereye nca ndatahana na Maman Nice mu nzira agenda arambwira: *Ikindi naco nagukundiye nuko kuva uje namye ndagukurikirana ndetse nitegereje ukuntu na Nice kuva agusanze muhira yahindutse ndetse akagarukana icizere kuko kera yahora aza ariko yama yihebuye namubaza impamvu yambwira ko ari kubwa Lice ihasa ryiwe ryitavye Imana haheze igihe Mike nukuri warahinduye ubuzima bwa Nice nico gituma ndagusaba kumuba hafi kandi ntuzomubabaze.*

Jewe: *Maman uretse no kuvuga ivyo we warampaye amahirwe nari nimwe na benshi mba ndamaze kabiri ariko nubwo nabaho*

*nkora vyose nta vyizigiro nari mfise kuko nta mbere nabona ariko Nice kuva aje niwe yangaruriye icizere niwe yangaruye mu bazima anyereka ko nkifise impamvu yo kubaho no kunezerwa ntiyahengeshanya kunyereka ko nduwagaciro mu gihe nabona ko ataco maze igihe cinshi yansanga mu gikoni nihebuye akandemesha yasanga mdendebukiwe akankomeza yasanga ndiko ndarira akampoza nukuri wewe na Nice naho isi yosubira ikampinduka kuburyo nibagira akanovera kubuzima abantu babiri bonyibutsa ko kubaho biryoshe ni mwebwe nico gituma nkikimenyetso co gushima mdagusezeranije ko ntazorota na rimwe mbabaza Nice ico ntazokora nikidashoboka.*

*Maman Nice: Ok ikindi naco muhejeje ivyo muzoba mwagiyemwo uzogirishe ibipimo muri Kenya usuzume amagara yawe ukuntu ameze.*

*Jewe nti: Sawa murakoze Maman*

*Tuba turashitse muhira*

*Turinjira jewe ndangurura mu cumba canje nari nsigaye mbamwo co mu nzu mba ndaraba uduhuzu duke nzojana nca ndagarama ku gitanda ntangura gusubiza amaso inyuma nti: Ibaze nukuri jewe Mike ngiye kwurira indege! Ninde yobiziga? N’Imana gusa, uwavuze ngo ntawutanga umupfu kwihebura ntiyabeshe igihe umuntu agihema wese aba agifise amahirwe!*

*Naciye nibuka amajambo Maman Nice yigeze kumbwira ngo: Nta kure cane Imana itokura umuntu kandi nta kure cane Imana itoshitsa umuntu!*

*Nca ndahaguruka mva kugitanda ndapfukama ntangura gukengurukira Imana kuvyiza vyinshi ntahejeje kudondagura*

yarimaze kunkorera nahagaritswe na kadogo yadodoye  
ampamagara ngo nje ku meza nca ndaheza gusenga ndahaguruka  
nja muri Salon nsanga bose bari kumeza nije nari mbura nti:  
*Pardon nabicishije akayabagu!*

Kadogo: *Reka reka jewe ibigundu vyamate maze kumira iyo mba  
REGIDESO nokuyemwo agaprobox*

Twese tuca dutwengera rimwe hama turya Kadogo aguma  
adutwenze gushika duhejeje aho twongeye kwisanga dusigaye  
tweyene na Nice muri salon.

Nca ndamibwira nti: *Wihangane Nice ndabizi ko bishobora kuba  
bitakuguye neza kuba uzojana nanje ariko ndagusezeranya ko  
ntazokugora niwashaka ko ntakuvugisha sinzokuvugisha*

Nza mbona Nice...

## Agace 11

Nca mbwira Nice nti: *Wihangane ndabizi ko bishobora kuba vyakubangamiye ariko ndagusezeraniye ko ntazokugora ni washaka ko ntazokuvugisha sinzokuvugisha!*

Nza mbona Nice arahagurutse ati: *Nubundi nyene nikibazo kuri jewe!*

Aca ararengana ariko ataragenda nca ndahaguruka ndamufata ukuboko nti: *Kuva ryari Nice ndi ikibazo kuri wewe?*

Nice: *Kuva aho umutima utanguye kunyihinduka unshiramwo ibidashoboka...*

Jewe: *Niki kidashoboka? Ko ari we wahora umbwira ko vyose bishobokera uwizeye Nice?*

Nice aca andaba mu maso cane aguma ahoze hama aca arambwira ati: *Mike urashobora kundeka nkaja kuryama?*

Nca ndamurekura aca aragenda ageze mu mwango nca ndamuhamagara nti: *Nice*

Aca arahindikira ati: *Aaah Mike laisse moi aller me reposer please(reka nje kuruhuka)*

Nca ndamubwira nti: *Bonne nuit!*

Nawe ati: *Merci à toi aussi!*

Aca aragenda nsigara ndiruhutsa ariko uko biri kwose numva nryohewe nibutse ko buca nduma ikirere oh lala nagiye kuryama nshiramwo alarme ya 5h kuko twategzwa gushika kuri aeroport 6h naraye ntibuca kuko nikanguye 3h nzazamutse nzi ngo indege

yansize ndavye isaha mbona ntiharagera ariko nca niyemeza kudasubira kuryama kugira nsinze gucerwa.

Ubwo amasaha yaragiye gushika numvise ya reveil isonye nca nditegura kuburyo 5h30 twari mwibarabara tuja kuri aeroport mu modoka jewe na Nice na Maman Nice agenda aratubwira ingene tuza kwitwara ati: *Imbere yo gusinya muze kumanza musome neza contract kandi il faut me tenir au courant yibiza kuba biriko biraba nza kuguma on muze murandungikira amcopy murabe ntibabacemwo.*

Jewe: *Ok twizeye ko biza kugenda neza.*

Maman Nice: *Sawa sawa nanje ndabizeye.*

Maze turashika kuri aeroport hanyuma igihe kiragera tururira indege maze twisanga ku maticket y'indege turicarana jewe na Nice kuri jewe vyaranryoheye nubwo ntazi uko we yavyakiye kuko we yaguma ahoze nanje ndamureka turicara maze igihe kiragera indege iranduruka mu nyuma Nice arasinzira aca anyegekako umutwe nanje nca ndamufata ku rutugu nza ndamukora mu mishatsi yiwe myize yari yarekuye igwa inyuma ngenda ndibona jewe na Nice tugize umuryango ibintu niyumvira nkumva bimbujije kurambirwa kuburyo amasaha yose twamaze mu kirere arivyo na rimwo gushika aho nagiye numva umuntu yari ku rundi ruhande rwanje ambwira ati:

*Urukundo ruratangaje!*

*Mpora nibaza iyaba ata rukundo ruriho iyi ukuntu iba imeze?*

Nca ndahindukira ndamubaza nti: *Ah bon! je nibaza ko ibimeze neza kuko ata rukundo ruhari nta nurwanko rwohaba kuko kimwe*

*cose ni opposit y'ikindi rero kugira kimwe kibeho hategezwa kubanza kubaho ikindi*

*uwo mugabo ati: En tout cas Imana ntiyihenze ndavyibuka kera nakuze nanka urukundo kuko narufata nk'integenke,*

*Nararaba abakundamye ingene barara badasinziriye abandi bagahangayika abandi bagakomereka ni bake nabona bamezerewe bigatuma ntipfuza kuzokwigera nkunda ariko umusi natahuye ko kwanka gukunda kubera gutinya kubabara ari nko kwanka kubaho kubera gutinya gupfa,*

*Par contre iyo mihangayiko urwo ruhagara ivyo vyose bishikira abakundana ntibiriho kugira biduhagarike ariko biriho kugira tubandanye dukomeye dushize amanga kurya umwana mukwiga gutambuka ababara kenshi kuko agwa incuro nyinshi ariko bitavuze ko aca aheba ariko arabandanya gushika abimenye neza mbere akazoteba akavamwo nkumu athlete akomeye nka Francine hhhh*

*Jewe: Wow ushobora kuba ufise experience ikomeye muvy'urukundo!*

*Nawe ati: Hhh oya sha gusa nyene ushatse gutahura ntibisaba experience il suffit seulement ko uja ahantu ugatekereza hama ugatahura experience nizabantu batahura bigoranye nka kurya kwishure muri primaire hari uwatahura amanje gukubitwa!*

*Jewe: Oh vraiment?*

*Nawe: Burya mu buzima abantu benshi haribintu bibi bibabako bivuye kukutamenya ikibazo aho gihagaze nuko abantu banshi batemera ko harivyo batazi ariko jewe nasanze igihe wibaza ko*

*uzi vyose usanga ariho ata nakimwe uzi ariko jewe umusi namenya ko ata nakimwe nzi niho natanguye gukumda kwiga nkitangura nibaza ko nkeneye umwigisha canke gukurikirana ivyigwa ariko nasanze ibidukikuje vyose bihari ngo bitwigishe ibitubako vyose bihari ngo bitwigishe ndetse nibiba ku bandi gusa ica ntangaje nuko abantu benshi twagiye turahura baciye batangura kunyita Proffesseur kandi jewe nari sensé kwitwa munyeshure...*

*Jewe: Sha urarikwiye nukuri mbere nanje ngiye kukwita Proffesseur!*

*Nawe: Ariko jewe nitwa Jules!*

*Jewe: Ntaco ni Proffesseur Jules!*

*Nawe: Ok comme tu veux!*

*Jewe: Nitwa Mike nanje*

*Proffesseur aca ampa ukuboko ati: Mike niteka kumenyana nawe...hama nizere ko uyo ari fiancée?*

*Jewe nca ndikoroza nti: Uyu ni mushikanje!*

*Proffesseur: hhhh ok gusa j'ai l'impression qu'il ya quelque chose qui ce cache derrière ça (ariko ndiyumvamwo ko hariho ikintu cinyegeje inyuma yavyo).*

*Jewe: Aaah rekana nayo ma impression yawe wana!*

*Ubwo twagiye turaganira na Proffesseur gushika gusa natangajwe niviyumviro vyawe kuburyo natanguye gukora icaha co kwipfuzwa kumera nkawe.*

Igihe kiragera batubwira ko hagomba hagere ko indege yururuka twese twitegura na Nice yari yikanguye maze turashika I Nairobi dusohoka indege twitegera umuji kbsa turavuga duti: *Naho uburundi buteye imbere ntitwoharira ko aba nabo badusiga intambuko atari nto!*

Nza numva Nice: *Ariko hari ikintu badafise!*

Proffesseur: *Akayaga ka Tanganyika ntibakorako!*

Haheze akanya biba ngombwa ko dutandukana na Proffesseur ampa numero ati: *Nanje nje muri mission ino yakazi nzomara indwi akira whatssapp yanje ndibaza tuzosubira guhurira I Bujumbura kuko ino sinzoronka umwanya wo gutembera!*

Tuca turasezerana twebwe tugenda gufata I hoteri.

Hari ku mugoroba I hoteri twafashe ivyumba bibiri vyegeranye turashika turadepoza amasakoshe hama ndabwira Nice nti: *Ushaka kuba uraruhutse canke tube turasohotse gutembera gato tugure na carte Sim zo kuba turakoresheje!*

Nice: *Sha je ndarushe reka mbe ndaruhutse urambwira ugarutse!*

Nca ndagenda ndabaza mdazigura hama ndabura aho ntemberera kuko naratinye kuja kure kugira sinzimire canke ngo banyibe mu mwanya muto nari ngarutse nca nca ku muryango wa Nice ndadodora aca arugurura nca ndmuha carte sim ndamwipfuriza nijoro ryiza nca ndagenda nanje mu cumba canje ndirambika ku gitanda nshiramwo carte Sim nshasha nari mpejeje kugura numero za Nice zo nari ndazizi kuko nije nari namuguriye carte Sim.



Ubwo nca mba ndatripota telephone gushika igihe banzaniye inrya ariko kuvyukuri zarananiye kurya kuko zari zitandukanye gose niziwacu nca ndiryamira ntangura kwiyumvira Nice sinzi ukuntu vyagenze numva umenga ndamukeneyebkurusha uko nigeze kuko narihindukiza nkumva umenga igitanda kimbereye isi yose aho nakora hose numva umenga ibiganza vyanje bishaka gufata ivya Nice, narafunga amaso nkamubone nakanura nkamubura numva nkeneye kumwumva iruhande yanje vyakabaye kera nca ndicara ntangura kwibaza nti: *Ibi bintu biriko birambako nibiki?*

Ariko narabiburiye inyishu gushika aho nahagurukiye nja kwegamira kuruhome rutandukanya icumba canje nica Nice ntangura kuvuga nti: *Wa gihome we ndakwanka kuko iri joro niwe untandukanije nuwo niyumvira nkabura itiro!*

*Kuki wabayeho koko? Aha izindi mpome zigize iyi nzu ntizari kuba zimaze we ukareka kubaho?*

Nakomeje gushwanira uruhome gushika igihe natanguye kwibaza ko nshobora kuba nasaze ariko nca ndatora fone ndaba isaha nsanga aza ari saamunani zijoro ndavuga nti: *Reka ndamwandikire...*

Nca ndapfa kwandika nti: *Nice*

Ariko icantangaje nuko nabonye anyishura ati: *Mike!*

Naciye mwenyura nti: *Nturyama?*

Nawe: *Ndikanguye ahubwo wewe bite vyawe?*

Jewe: *Sans blagues nabuze itiro!*

Nawe: *Hhm wagwaye?*

Jewe: *Ego!*

Nawe: *Yoh hinge ndaje kukuraba!*

Jewe: *Oya reka jewe nze kukuraba!*

Nca ndahaguruka ndasohoka ariko ngeze hanze nikeka ko noba nsa nabi mca mdasubira indani niraba mu kiyo mbona ni sawa ariko ndagaruka ndipommpa aka deodorat nca ndagenda ndadodora no ku cumba ca Nice ubwo nyene nza mbona...

## Agace 12

Nca ndagenda ndadodora ariko nza numva umuntu amfashe ukuboko nari mbanguye ngo ndodore nitegereje nza mbona numukozi wo mwihoteri yaranzaniye breakfast kumbe nariko ndarota mbere bwanakeye niravye mbona sinaraye no kugitanda mu mutima ndavuga nti: *This love is gonna kill me wallah!*

Umukozi: *Mwaramutse boss namahoro!*

Jewe: *Namahoro wana!*

Nca ndahaguruka ndigorora nongera nayura numva mbabara no ku mugongo kuko naraye nicaye negamiye kuri rwa ruhome.

Umukozi: *Amasaha yarageze yo kubazanira breakfast!*

Jewe: *Sawa merci tereka ngaho!*

Nca ndayifata hama mditegura ndasohoka ngeze hanze ndavuga nti: *Reka mpitane Nice ndamubaze nuko yaramutse numva ndamukumbuye!*

Nca nje ku mwango wiwe ndadodora haheze akanya gato nza mbona umuryango urugurutse nca mbona umugabo w'inda nini nubwoya bwinshi ku gikiriza akenyeye isume mu nda nca ndakangukwa nti: *Hey waraye urakora iki mu cumba ca Nice?* (nshavuye nkuwugomba kugwana)

Umugabo: *Ivyo uvuga n'ibiki? Urinde wewe?*

Jewe: *Hinge ndakwereke uwo ndiwe!*

Nca ndapfunga igipfunsi imitsi iraranda harya ngomba nduze ukuboko nkosore umugabo nza numva intoki zoroshe cane

zikanye ukuntu zifashe kwa kuboko nagomba nteze ingumu nza numva umubiri wose urahindutse uratekanye nca ndahindukira nza mbona ni Nice n'isakame ati: *Mike uri mu biki ko ushwana n'uwo mugobo?*

Jewe ntangaye: *Ndiko ndamubaza ico yaraye arakora mu cumba cawe!*

Nice aca aratwenga cane ati: *Mana yanje Mike urarembye kbsa hhh utebe wibagire n'icumba canje ariwe muntu wenyene wambonye ninjira?*

Nca nditegereza neza ko mbona nacistiranije icumba ca Nice cari kuyindi cote nca ndamaramara kbsa ntangura gusaba Pardon wa mugabo nawe arankundira arambabarira.

Tuca turamanuka Nice agenda arantwenga mu nzira yose ariko ndamwitegereje mbona amaso yiwe aratukura ukuntu ibintu ntari ndamumenyeyeko Nice kuko amaso yiwe yera nkamenyo nako yera nka shelegi nca ndamubaza nti: *Ariko sha we vipi nayo maso umenga uvuye kubaya? Wishinga kuntwenga gusa ngo nataye umutwe!*

Nice: *hhh wawutaye vrt none nkurwo rujambo urukuye he? Ngo kubaya? Hhhh ni kugirante rero?*

Jewe: *Kuvuta...*

Nice: *hhhh kuvuta imvutano??*

Jewe: *hh gucoma basi...*

Nice: *Esheee gucoma nigiswahili nanje urazi ko ntigeze mba mu Bwiza canke mu Buyenzi!*

Jewe: *Ah gutera istick basi...*

Nice aca arankubita ikofi ku rutugu ati: *Arhéee ndeka nimba wanse kubimbwira rero ziba ntavyo nkishaka!*

Aca amera nkuwushavuye

Nca ndamufata kurutugu ndamubwira mu gutwi nti: *Amaso yawe aratukura nkumuntu yanyoye urumogi!*

Nza mbona Nice aranyiyatse sukunkubita yiva I nyuma nanke numva nryohewe no gukubitwa na Nice nubwo we yibaza ko yariko arambabaza ati: *Eeee kuva kare hose burya wariko uvuga ngo nd'umunywarumogi?*

Jewe: *Ariko nawe urahana ukarenza mbwira basi igituma amaso yabaye uko diii mbabarira!*

Nice aca arahagarika kunkubita ati: *Reka sha jewe irya hoteri naraye ndayiburiyemwo itiro sinzi uko vyagenze!*

Jewe: *Yoooh kutambwiye ngo nze kugusanga!*

Nice: *Iyuba uwuza uba warizanye kuko wari kuvyiyumvamwo ko ukwiye kuza!*

Jewe nca numva ndababaye nibuka ko nikanguye ndiko ndadodora mu ndoto nca ndamubwira nti: *Maze naraje nuko gusa naje mu ndoto!*

Nice: *Hhhh mxiiuh (aca arimyoza)*

Kubera twari mwi taxi tuja aho twategewe guhurira nabanyene company ngo dusinye twagiye twumva shoferi atubwira ko twashitse kandi koko I taxi yarihagaze ntitwari twamenye ko

twashitse tuca turariha turavamwo twinjira mu nyubako nini cane yari yanditseko izina rya company twari tugiye gukorana.

Uwo musu akazi kari katujanye twaraye tugahejeje tuca turasubira mwihoteri ku masaha yumugoroba ariko twumva tudakwiye kuja kuryama twumvikana ko tuja kudapoze ibintu twongere twoge tuce tuba turasohotse kuraba ahantu twicara hameze neza maze tubigenza uko tukiriko turasohoka tuca tubona ahantu haraka jardin karimwo udutara twaka bukebuke nza numva Nice ambwiye: *Urabona hariya hantu ukuntu ari heza?*

Nca ndamubwira nti: *Tujeyo?*

Nice: *Ego nyene!*

Nca ndamwenyura aca amfata ukuboko tuca turajayo tuca tuba turicaye mu kagazo mu nyuma twisanga twayamye tuguma turaba kwijuru ryari ryuziye utunyenyeri twinshi.

Nice: *Nkiri umwana Papa yahora ambwira ko abantu bapfuye baca baja mu nyenyeri bakaza baratumurikira mu ntambuko zacu.*

Jewe: *Bivuze ko nka Papa wanje ari hariya?*

Nice: *Eee nkubu baguma batwitegereza!*

Jewe: *None muri ziry a zose wibaze ko iya Lice ariyahe?*

Nice: *Niriyaaaa...*

Jewe: *Iyahe?*

Anca amfata ukuboko atumbereza mwijuru ariko koko biragoye kubona inyenyeri imwe mu nyenyeri umuliyoni nca ndahindukira nawe aca arahindukira tuca tuguma turabana nca ndamukora ku

tugohe nguma ndaturyamika nubwo twari dusanzwe turyamye  
Nice aca arahumiriza nca ntangura kuririmba akaririmbo kavuga  
kati:

*Mpora nibaza igituma ibintu bimwe bimwe vyagizwe ibanga*

*Aho umuntu ashobora kugenda atazi iyariko aragana*

*Ubwenge bukamubwira guhagarara ariko umutima ukamubwira  
kubandanya*

*Icompa nkamenya umuryango winjira mwiyo si*

*Isi y'umutima wawe*

*Nokwinjira nkiyugaraniraye maze nkaca nta urufunguruzo aho  
ntazosubira kururuka*

*Harukuntu niyumva*

*Gutuma numva nshaka*

*Nkashaka ko vyose bikunda...*

Ewana nararirimvye gushika aho numviye Nice atikakaza nca  
menya ko yasinziye nca ndamuterura bukebuke ndamwinjirana  
ndamuteruye naho abantu bandaba je numva ndi fier no  
kumuterura ndamujana no mucumba iwe ndamushira kugitanda  
nca nguma ndamuraba numva ntamuhaga umwanya umwe  
numva umenga norara ndamwirabira bugaca uwundi mwanya  
nkiyumvira nti aho yikangurira akahansanga ndaza kumaramara  
nca ndamukora mu kiganza ndagifata nkuwumusezera ariko  
ndamurekuye numva nawe ikiganza ciwe angumije kandi gose  
ndabura ukuntu ndamwiye nca nryama iruhande yiwe  
ndamufashe ikiganza nako dufatanye nanje nsinziriramwo aho

nikanguye bukeye twese twikangurira rimwe dufatanye nza numva Nice ati: *Ndagufashe aha uriko ukora iki mu cumba canje?*

Nanje ndamanza ndakangukwa ariko nca ndibuka vyose nca ndamutungira ukuboko nti: *Ehe e ubona arinde afashe uwundi ukuboko??*

Nice aca abona angumije ukuboko ati: *Mbe nyene vyagenze gute kugira nshike mu cumba ko ntibuka na kimwe?*

Nca ndamubwira ko yasinziririye mu ka jardin nca ndamuzana....

Nice: *Anh ndibutse ndibutse ahubwo myarutsa ubu nyene...*

Jewe: *Nyarutse iki?*

Nice: *Ka karirimbo*

Jewe: *hhh waragakunze?*

Nice: *Reka reka akantu katumye nja gutembera muri za nyenyeri nkibona mfashe ikiganza nako gasubire ukaririmbe ntuma ndaguhemba!*

Jewe: *Urampemba iki kueli?*

Nice: *Ico umutima wawe ushaka!*

Jewe: *Wao reka nanje njeko basha!*

Nca ndasubira ndakamuririmbira kuburyo nagahejeje mbona yazenze uturira mu maso aca aransoma gose vrt kurusha uko yigeze turasomana haheze akanya aca aranyiyaka ati: *Impembo yawe niyo iramaze!*

Jewe: *Oya kbsa ndakeneye inyongera!*



Aca aranyongera kiss yamateka vrt wao!

Mwuwo mwanya numva nogandisha ibihe nkigumira murivyo ariko nibuka ko mfise gahunda yo kuja kwa muganga nca ndahaguruka ndamubwira iyo ngiye Nice ambwira ko amperekeza tuca turitegura turagenda.

Ndabonana numuganga ndamwiganira ingwara nagwaye nuburyo nayigwayemwo nigihe ndayimaranye ndamubwira nimiti nahora mfata ndamubwira nukuntu meze ubu hama nawe amara akanya asoma ibintu mu mashini numva ariruhukije ati: *Normallement iyi ngwara wagwaye ntikira kuko yevolua vers la chronicité hama hakaziramwo cancer du pénis gusa kubantu batanu bamaze kuyigwara umwe niwewe wenyene usigaye ahubwo biratangaje gusa mu ma recherche maze kugira nuko umuhinga yatoye iyo ngwars yavuze ko hari umugwi w'amaraso ushobora kuresista iyo ngwara gushika kuri 13% rero birashoboka ko wewe uri muruwo mugwi ariko ivyo ntitwovyemeze tutagupimye nico gituma haribipimo ngiye kukwandikira inyishu nizo ziza kugena uruhande urimwo.*

Uwo musu niriwe murivyo bipimo kandi aho naja Nice yaramperekeza aguma andemesha ambwira ko nkomeye kugeza igihe co gutora inyishu kigeze ngomba ninjire nca ndafana Nice ndamushira kuruhande nti: *Nice uriteguye kunguma iruhande atitaye ku nyishu ngiye kuronka??*

Nawe: *Aaa Mike igihe tumaranye kingana gute? sinari ndabizi ko urwaye? Ico sikibazo warukwiye kumbaza ahubwo injira utore inyishu nziza sha!*

Nca ndamusoma nca ndinjira nza numva muganga ambwiye ati...

## Agace 13

Nca ndinjira nicara imbere ya Muganga niteganye amatsiko menshi inyishu agiye kumbwira aca ambwira ati: *Urashobora guhamagara urya mugenzi wawe nkababwirira rimwe!*

Jewe: *Burya birakenewe?*

Muganga: *Ego kandi nawe vyogufasha!*

Nca ndasohoka mpamagara Nice arikanga ati: *Mike ko unyarutse gusohoka?*

Jewe: *Nje kugutora uze kumfasha kwakira inyishu!*

Tuca turinjirana maze Muganga ati: *Mike niyahe nyishu udashaka kwumva canke utobasha kwakira?*

Jewe: *Hhhh nta nimwe kbsa ahubwo mbwira ureke guca hirya no hino ivyo ndabizi iyo iwacu I burundi niho bibagora kuvuga ikintu bagitumbereje nizere nawe ko atarivyo ugomba ungire nimba inyishu ari mbi canke nziza yivuge neza hama ndayimenye ureke kumbaza ibibazo vyinshi!*

Muganga: *Oya Musore ibi sibibazo vyo guta umwanya kuko biri mu kazi kandivntabikubajije hakagira ikibazo ugira inyuma yo kwumva inyishu nobibazwa.*

Jewe: *Emwe ndakuremesheje je nta kibazo na kimwe nza kugira!*

Muganga: *Ok sawa... urumva rero mu bipimo vyose wagiriwe biragaragaza ko...*

Aca amanza arandaba mu maso ati: *Kuvyukuri biragoye...*

Jewe: *Ahh muganga numvise ico ushatse kuvuga gusa ntakundi nyene mbwira uko nkwiye kwitwara kugira mbe ndamaze kabiri...*

Nice aca amfata ikiganza ati: *Ah Mike ne sois pas impatient!*

Muganga: *Hhhh nariko mvuga nti biragoye gutahura ukuntu amaraso yawe atari mu murwi uri supposed kuresista ingwara ariko nkaba mbona ingwara yaraguhezemwo burundu it's a miracle!*

Jewe: *Saaaa? Uvuze gute Muga? Jewe nta ngwara mfise?*

Nice: *Wow glory to God this is a miracle for sure!*

Muganga: *Apana bimwe bisanzwe nigitangaza gikomeye genda mubandanye musenga Imana musenga irashoboye kuko ivyo yakoze nta Muganga yari kubikora!*

Jewe: *Ubu rero nzoshobora gushinga n'urugo?*

Muganga: *Bizovana kuko ubu ikibazo gisigaye mu mutwe kubera ko umutwe waza waramaze kwakira ko utazovyara hari uduce bizosaba ko twakira inkuru nshasha hama tugasubira gukora nkuko twahora dukora nka hypotalamus nutundi tujejwe gukabura za testosterone kandi uzoza urumva udusonga mu turingoti tumwe tumwe dutwara intanga ntibizogutangaze ariko ahubwo bizoba ari ibimenyetso vyo gukira kuko utwo turingoti tuzoba turiko turazibuka ico ukwiye ukwiye kwirinda stress kandi ukeneye umuntu w'igitsina gore azogufasha mu kuguha affection nawe uko uzomwiyumvamwo mdetse akagukwega niko mu mutwe uzoteba wiyakira gushasha hama muzoze muraconsulta umuspecialiste urologue ari hafi mu gihe cose muzoba mufise ikibazo canke mukeneye ubufasha.*

Narahindukiye ndaba Nice nawe arandaba tuca turamwenyura tuca turahaguruka turahoberana gushika igihe Muganga yatubwiye ko agiye kuraba abandi barwayi tuca turasohoka umunezero ari wose no mwibarabara umunezero watugaragarako mu maso

Nice: *Tuja kwiginira he iyi nkuru nziza?*

Jewe: *Mu Burundi il faut ko na Maman amenya inkuru nziza ndetse tugasangira umunezero!*

Tuca tuvugana ko tugiye gutora amasakoshi dutahuke,

Ewana jewe numva umenga nokwiruka ariko nkasanga Nice namusize nca ndahagarara nti: *Nice shiramwo aka effort tunyaruke wana!*

Nice: *Hahah ndanse!*

Aca aragarara aguma atwenga cane.

Nca ndagenda nafashe ubuseriye nca ndamuterura nca nguma ngenda mu nzira ndamuteruye Nice yaguma ansaba Pardon ngo ndamushire hasi ariko ndikausha gushika kuri Hotel kuko hari hafi aca ambwira: *None nkubu abantu batubona?ntibahava bavuga ko arakaroge?*

Jewe: *Je m'en fiche de ce que les gens peuvent dire(ntaco bintwaye ivyabantu bashobora kuvuga)nimba ari nakaroge ntaco bintwaye kazima arakaroge kampa amahoro numunezero kandi nta kindi nshaka mu buzima atarico*

Ubwo twaraduze mu vyumba turatora ivyp twazanye duca kuri reception kuriha no gusubiza imfunguruzo hanyuma tuja kwurira indege maze igihe kiragera dufata ikirere mu nzira Nice yagiye

arandika ibintu muri tablet yiwe nanje ngenda ndiyumvira ku rugendo rw'ubuzima bwanje umunezero numva wanyibagije imibabaro yose nagize mu buzima nahimdukira nkaraba Nice nkumva umenga nomumira wese ariko nkifata nkaguma mwenyura gusa.

Inyuma yamasaha atari make twari twururutse I Bujumbura map yambere hari mu rugo kugirira surprise Maman Nice kuko no mukuza ntitwigezw tumubwira.

tugeze muri ville niyumviye guhitana akantu tuza kunywa dushitse ariko mbura ako nogura ariko ndamubwira Nice tuca tugura icupa rya Vin non alcoolisé tuca turasohoka ariko mu gusohoka numvise umutima uteye rwose ndazungurirwa nca nishimikiza ku ruhome na Nice arabibona ko harikintu kibaye akiriko arambaza ndavye hasi mbona akabangiri ko kukuboko nca ndagatora ndakitegereje nca ntangura kwibuka kera nkiri umwana mvuye kwishure nshitse muhira hari akana kagakobwa twigana kaje kampamagara nca ndagakubita ikofi nti: *Narakubujije kunkurikira ugenta uranyomanga!*

Kaca kararira Maman aca araseruka asanga kariko kararira ati: *Yoo Kane ninde akurijije ni Mike?*

Nako: *Kuberiki Mike adashaka ko ndamuvugisha!*

Maman ati: *Mwihorere Mike Imana izomuhana!*

Kaneza: *Oya sinshaka ko imuhana kuko ndamukunda!*

Maman yaciye ahindukira arandaba ati: *Mike kuki ubanaza uwundi mwana kandi agukunda?*

Jewe: *None umuntu adakunze arapfa?*

Maman: *Ntapfa ariko harico aba abuze!*

Aca ahamagara Kaneza ati: *Ehe sha ndakwihere akabangiri nari nakaguriye Mike ariko kubera yagukubise nca ndakihera wewe!*

Kari akabangiri kanditseko izina ryanje Kaneza aca aragatwara...

Mpejeje kwibuka ivyo mbona ako kabangiri ntoye aho ni kakandi nyene Maman yaha Kaneza kandi kuva ico gihe sinari bwigere nibuka Kaneza kuko kuva uwo musu amuha ako kabangili sinasubiye kubona Kaneza.

Nice aca araza arabona ko natwawe niviyumviro ati: *Mike ihangane uze dutahe!*

Tuca turagenda twurira taxi turataha gusa ako kabangili uretse kunyibutsa Kaneza kankumbuje Maman kurwego rwo hejuru kuburyo natanguye kwibaza ibibazo vyinshi kuri Maman nti: *Maman uri hehe koko? Ese uracari ho?*

Narinze nshika muhira ndi murivyo vyiyumviro nca nshikira mu cumba nca nje kuri facebook nkurako ifoto ya Maman nari narashizeko kera ndayitelechargea nca nguma ndayiraba sinzi ukuntu hanjemwo icyumviro nca...

## Agace 14

Nsinzi ukuntu hanjemwo icyumviro nca ndatora ikaramu nca ndamucapa Maman nca nandikako hepfo nti: *Mama ndagukunda kandi ndagukumbuye nizera ko Imana izoca inzira tugasubira tukabonana.*

Nca ndarubika mu ngodo hama nja muri sallon nsanga Nice niho yicaye aracari kuri ya Tablette nti: *Hehey ndakeneye kumenya ibintu uba uriko urandika mwiyo Tablette umwanya wose!?*

Nice aca arayizimya ati: *Uzobimenya!*

Tuza twumva umuntu avuze cane ati: *Ce n'est pas possible mbe basha ndiko ndarota canke? Mwebwe mwashitse ryari?*

Kumbe yari Maman Nice twese tuca duhagurukira rimwe duti: *SURPRISE!!!*

Maman Nice amwenyura ati: *Mbega ivyana vyanje ingene bisigaye vyigira ubu mbere ndabaca amande?*

Nice: *Yiki? Yo kugutangaza?*

Maman Nice: *Egoo nyene mwese muce ngaha mumpobere muragahezagirwa!*

Twese: *Hhhhhhh!*

Tuca turatambuka tumuhoberera rimwe Maman Nice ati: *Ndabakunda bana banje!*

Twebwe: *Natwe turagukunda Maa!*

Tuca turarekurana.

Maman Nice aca aricara ati: *Mbwira rero ukuntu affaire zagenze nizere ko batabagoye?*

Jewe: *Oya vyose vyagenze neza uretse ko twagukumbuye cane...*

Nice: *Maman ndagupfinze inkuru nshasha?*

Maman Nice: *Hhhhh urabizi neza ko ntazi gotomboza jewe?*

Nice: *Oya nawe gerageza basi rimwe Maa!*

Maman Nice: *Mbe basha nizere ko ari iya mwe na Mike mugiyeye kunsagiza umunezero wo kuba mabukwe?*

Twe na Nice tuca turarabana tuca turatwenga.

Nice: *Hhhhh ntavyawe vrt nubundi nari ndabizi ko utera swata...*

Maman: *Mbwira rero reka kwirirwa uramena umutwe wa gakobwa we!*

Nice: *Mama ubu tuvugana Mike ni muzima!*

Maman Nice: *Whaaat? Ntumbarire!!*

Nice: *Nigitangaza c'Imana*

Maman Nice: *Imana ibihererwe ishimwe jewe burya naravyiyumvamwo ko Imana izogukorera igitangaza Mike!*

Jewe: *Amen!*

Maman Nice aca arandaba yongera araba Nice ati: *Mike nizere ko nawe nkumuntu w'umushingantahe nemera uzi ico ukwiye gukora?*



Aca arahaguruka agenda mu cumba tuca dusubira kurabana na Nice aca ambwira amwenyura ati: *Ntubihe agaciro mangwa sha Mike.*

Aca arahaguruka nca ndamufata ukuboko nti: *Ko umenga birakubangukira kugenda unsize?*

Nice aca arongerera aricara ati: *Mike urabizi neza ko atarivyo?*

Jewe: *Nimba atarivyo nyemerera mpe gaciro ivyo Maman yavuze?*

Nice: *Wipfuza iki Mike?*

Jewe: *Urazi ico umutima wanje wipfuza kurino saha?*

Nice: *Nanje urazi ko mpagaciro ico umutima wawe ushaka!*

Jewe: *Ndagufitiye icizere rero!*

Nice: *Ntuzosubire rero kuvuga ibitarivyo!*

Aca amfata ukuboko arankwega tuca turasohoka tugeze kwirembo ahagarika taxis tururira maze ahereza agapapuro choferi nanje kubera nari ndamufitiye icizere nirinze kugira ico ndamubaza kugera aho twagereye ahantu tukavamwo twinjira ahantu ariko natangajwe no kubona duserukiye ku mu senyi uri ku nkengera zikiyaga Tanganyika akazuba kariko kararenga akayaga gahuhuta amazi asuma nta gatebe kari hafi uretse igiti cumye kiryamye hasi mpindukiye Nice ndamubura ariko nirinda guhangayika kuko numva umutima untegeka kumugirira icizere nca ndicara kuri ca giti nitegereza mu kiyaga ndaba ingene izuba rirenga mbona ibikona biguruka mu kirere numva nryohewe cane numva nduhutse numva mbere nohora amaso akaraba umutima

ukanezerwa nsinzi ukuntu nishimikije hasi nca mbona akantu kameze nkagakoni ariko ndagatoye ndakitegereza neza mbona ni umwironge naho wari wuzuyemwo umusenyi ndawukuramwo ngize ngo mvuze biranka kbsa kuko nubundi je nta mwironge narinzi kuvuza nkiriko ndagira effort mpuha impwemu zigacamwo atanakazwiye nza numva intwengo hirya mpindukiye mbona ni Nice aje aratwenga yahinduye impuzu akwembetse hepfo agatambara kagufi hejuru ho yambaye agafuka igikiriza nagatambara mu mutwe mu biganza afise iplat nubwo ntabona ibiriko aratambuka nkumva nokwiruka ndamusanga ariko nkifata nkakomeza gusamarira ingene ashogomanga umusaga urahuha agatamabara kakiha ikirere nkabona amaguru yiwe agorotse atagase koko Rugira yarayitondeye aratambuka akarusha Twiga kubikora neza afise mu nda hato nitegereza umukondo nkavuga nti: *Izi ndoto zibe izi bihe vyose Mana ndasavye!*

Nitegereza mu maso kakazuba karasira ku nyinyi amenyo yera nka shelegi akarabagirana ibinyigishi vyirabura nutunwa twiza ari kumetero cumi ariko biranse ko nihangana nciye mpaguruka muri je umenga nokwiruka ndamusanga kuko umenga ari ku biro metero nza numva aravuze ati: *Aaaaaah Mike stop!!! reka kundaba uko udatuma mena utuntu twanje nukuntu twantwaye umwnaya ndadutegura!*

Jewe nca mbona ko namuteye udusoni ariko uko yagira isoni vyansamaza kurusha gushika naho nigaruye inkonda zigira zirenge amenyo nawe aca arahindikire ampa umugongo nca ndatambuka intambuko zitu nca ncisha intoki mu mbavundamufumbata mu nda ndinyuma yiwe nti: *Oh my Gooood Oh my Niiice...*

Sans blagues narabuze ico mvuga nca ndakura ishati nari nambaye yera ndayisasa hasi nca ndamwakira Nice kubera nabona yagize isoni nca ntereka ya plat kwishati nca ndicara hino nawe yicara hirya turabana atanumwe avugisha uwundi nitegereje mbona yazanye utwamwa twubwoko bwinshi dukase neza hariko nudukombe tubiri tubonerana turimwo turimwo jus nudukenke nnumva birandenze mbonye agumye ahoze nca ndamubwira nti: *Karibu mwiza!*

Aca aratwenga ankubita agakofi ati: *Urutwe aho umbwira karibu niwe wabiteguye urabizana?*

Jewe: *Hhhhh none ko wagumye uhoze!*

Nice: *Nari nkirondera amajambo meza nobivugamwo eka noneho umutima wanje waza wamaze kubikubwira!*

Jewe: *Ohhhh lala urantsinze!*

Nice: *Narahiriye gutsinda hhhh!*

Jewe: *Nije mpiriwe kuko mu kirundi bavuga ngo usaba umwiza mugasa!*

Nice: *Ntaco uransaba !*

Jewe: *Ntihararengerana!*

Nice: *Eeh ok akayabagu rero!*

Tuca turatangura turarya twarya bukebuke tuguma turabana tumwenyura tutavuga kanatsinda mumigenzo yikirundi ntawuvuga ariko ararya haheze akanya mbona Nice arahindukiye sinzi ahantu yaravye mbona arahagurutse nanje nsingara ndarya utwamwa twose twasosa kubi kuburyo vyananiye guhagarika.

Nza mbona Nice agarukanye wa mwironge namye ngerageza kuvuza ukananira aca anyicara iruhanda ashira ku munwa.

Natangajwe no kwumva Nice azi kuvuza umwironge kuburyo yawuvugije numva ndatwawe nuburyo yawuvuza neza kuburyo naciye mpaga nguma ndamwitegereza nca ndaterura ya plat ndayishira kuruhande nca ndamwegera nguma ndamwitegereza nca ndamwikorera mu mutwe ndamukura agatambara yari yambaye mu mutwe aba arije ndakambara hama mba ndamwikorera mu mishatsi yiwe myize nawe aguma acuraranga umwironge aravye amaje hasi haheze akanya aca arunamuka nti:  
*Waoou Nice Merci bcp!*

Nice: *Siiiiuuu!*

Nca ndahora aca antungira urutoki ku munwa wanje nibaza ko hariko ivyamwa ndihanagura ariko aguma anyereka atavuga nca ndishavuza ndaba hirya aca amfata urutugu arampindukiza anyegereye gose kuburyo twisanze turiko turasomana cane.

Ku mutima nti:

*Sindiko ndarota ahubwo ndi mwijuru*

*Sindi mwijuru rito naho nyene*

*Ndi mwijuru amahero*

*Naho nyene atari iryaha hafi*

*Ariko ndimwijuru ry'indwi...*

Nasubiye gukanura mbona turyamye jewe na Nice nitegereje ntangazwa no kubona dukikujwe namatara atukura acafye umutima nca numva ndegewe numva atanamajambo menshi

nshaka kuvuga kuko aho twari tugeze amajambo menshi  
ntagaciro yarafise uretse ijambo rimwe gusa naryonyene imitima  
yacu yari imaze kuryakira sinakekerenya ariko ururimi rwanje  
birunanira gutekana nsanga ndavuze nti...

Nca ndamubwira nti: *Ndagukunda!*

Nice aca arakanura arandaba duhuza amaso amwenyura ati: *Ndagukunda nanje!*

Muri je numva umenga niho nkivutse numve umenga nobaza ukuntu kwisi babayeho.

Numva ndumushitsi hano kwisi kuko Nice yantwaye mu yindi si nca nibagira ivya kera vyose maze mba mushasha amenyo yanje ntiyava hejuru kuko uko navuna urugohe namubona amwenyurira nanje nkamusubiza mwenyura nigihe naba ndiko ndijana mu nzira bese banyita umusazi ariko nanje sinatahura ukuntu bese batameze nkanje uwo musu nabajije Imana icyo nayihaye kugira indemere ikiremwa cisa kwisi nzima nshitse mu cumba canje narapfukamyeye ndakengurukira Imana kurusha uko nigeze.

Uko niko urukundo rwa je na Nice rwatanguye rugenda rukura buri musu.

Igihe kimwe Nice yansanze ku kazi aho nari nsigaye nkorera mu biro kuko twari twarateye imbere dufise amapharmacie menshi bujumbura no mu gihugu hagati je nanje nakurukiranira online uko imiti isohoka mu mapharmacie yose urumva naguma nigaramiye mu biro vyiza cane ndaba ku machine nza ndacishamwo ndaba kwifone ko ntobona Nice online ngo ndamubaze ukuntu ameze kuko numva nshaka kumenya uko amara buri segonda nkiriko ndaraba muri fone numvise umuntu atwenga ati: *Ndagufashe chr uriko uraraba nde?*

Jewe nca ndunamuka mwenyura nti: *Waooo! Ibaze nawe honey!!*

Yari Nice ati: *Canke sha uriko uranca inyuma?*

Jewe: *Ego nyene hhhh*

Aca araza aransoma ati: *Wihenze sha nokumanyura!*

Naciye ndamwitegereza ukuntu yabivuze nca ndatwenga rwose nti: *Hahaha none nka wewe womanyura umuntu muzima? Ko nikiziga utogishobora?*

Nice yishavuje ariko narabona ko atari ivya serieux ati: *Uvuze ngwiki chr? Subiramwo?*

Jewe nti: *Mvuze nti ndagukunda my mutima*

Aca atora ikintu cikibumbano cumuntu cari giteretse kumeze ati: *Hinge ndakwereke!*

Nca ndamwiyaka ndiruka nawenaguma ankurikira nanje ndamukwepera mu ntebe zama coussin zari hirya ahantu nakirira abashitsi bicaye neza mu ma diva.

Nsinzi ukuntu natsitaye ahantu kwitapi nca ndarwa hasi nca ndipfisha.

Nza numva Nice aguma ankorakora anyiganza yongera ampamagara atanguye guhangayika biranka ko nifata nca ndaturika ndatwenga aca ankubita ikofi ati: *Ingene gisa urazi ingene unkanze nurwarurutwe!*

Jewe: *Mpana basi bae!*

Aca anryama hejuru ati: *Ndaguhanye!*

Nanje nti: *Iki gihano gihoreho ndasavye kuko ndumunyamakosa adaharirwa!*

Tuca tuguma turyamye aho gushika igihe Nice yakangutswe aca yongerera arankubita ku gikiriza ati: Mike urazi ko nkubu nibagiye icanzanye kubera wewe?

Jewe: *Mbwira Mi Amor nguteze yompi...*

Nice: *Amaki?*

Jewe: *Amaguru...*

Nice: *We nuwoguhana ntiyoheza haguruka ahubwo ingo ndakwereke ahantu tuja!*

Nta kwirirwa ndamubaza nugaye ibiro twinjira muri Allion yanje Maman Nice yati yaranguriye maze agenda aranyereka aho nkatira gushika dushitse ahantu hamwe muri ville hari inzu ya etage turinjira tuguma tuduga gushika duserukiye ahantu hari salle yuzuye abantu benshi numugabo imbere bisa naho harivyo yariko arasigura maze abaprotocole baraza batwereka aho twicara ariko natangajwe no kubona umugabo ariko arasigura imbere yari Proffesseur umwe twahurira mu ndege tugiye muri Kenya.

Nza numva aravuze ati: *Burya rero urukundo abantu bose barafise uko barusigura bivanye nivyho bamaze kubona kwumva canke gucamwo aho usanga mbere bivanye n'uguhemuka canke uguhemukirwa hariho nabatemera ko urukundo rubaho ariko ikintu umuntu adakwiye kwirengagiza nuko iyaba atarukundo ruriho n'isi ntiba ikiriho kuko nimba harikintu cogenda neza hano kwisi nuko hariho urukundo kandi nahari urwanko har'urwanko kubera higeze urukundo kuko nta muntu avukana inabi ariko isi niyo igenda itubibamwo ibibi bimwe bimwe hagera aho biseruka bikagira ingaruka kuri benshi murabo je nawe turimwo...ntiriwe*



ndavuga vyinshi urukundo niki? Urukundo ni ukwumva ko uwo muntu ukunda akwiriye ivyiza vyose urukundo nicemezo co mu mutima kikubwira ko aruyo nyene waremewe urukundo samajambo canke ibigumbagumba ariko urukundo ni ukugaragara kw'Imana n'ubumana bwayo mu bantu bigatuma ukunda ataco ushaka kugerako atari ukugubwa neza kw'uwo ukunda,urukundo rurihangana urukundo rwemera vyose urukundo ntirutsindwa...umwansi wambere w'urukundo n'ukwikunda iyo Imana yikunda ntiyari gutanga umwana wayo ngo aze kudupfira iyaba Yesu yarikunda ntiyari kwemera guhinduka icaha we atigeze acumura kugira ngo muri we turonke ukugoroka Iyaba Rwagasore yarikunda ntiyari gufata risque yo guhangana nabazungu babakoroni we atakibazo na kimwe yarafise yari kwigumira mu bubirigi akareka abarundi bakabandanya bakubitwa bacurwa bufuni na buhoro ariko yarihevyeye kubw'urukundo yakunda uburundi arabwigura...ikibazo abantu benshi bafise babuze ukwihangana abenshi bicira inzira za hafi c'est vrai muri bo barashaka gukunda no gukundwa kuko ico nicipfuzo buri wese avukana ariko umuntu wese kwisi arafise uwo yaremewe mugabo ni bake bagira amahirwe yo gushikira uwo baremewe kuko benshi bacikira intege mu nzira bakigeragereza bahigisha amaso yabo ariko benshi bakuramwo uguhemukirana canke ingaruka nyishi bijanye nashka ndababwire ko uw waremewe umusi mwahuye ntuzoba ukeneye guteka imitwe ukuntu womutereta imitima ubwayo izokwemezanya ko mwaremewe kuba umwe hama muzokwisanga murumwe nyene...est-ce que hano harabantu barwisanzemwo ata effort bagize?Nimba bitabatera isoni muduze ibiganza!

Aho narindi nadugije ikiganza nsanga naduzaniye nica Nice kuko sinamenyeye igihe namufatiye ikiganza tuza twumva amashi menshi cane isalle yose nza numva Proffesseur araduhamagaye ngo twigire imbere.

Maze turagenda imbere niho Proffesseur yatangaye atubonye ati: *Ndarota canke? Mike ni mwebwe?*

Jewe: *Ni jewe Prof turongeye turahuye!*

Yaradupresence hama avuga ati: *Reka mpere ku mugabo wamenye gute ko ukunda Nice?*

Jewe: *Sindabizi gusa navyisanzemwo! Sinzi ico nkundira Nice sinzi uko vyaje ariko ico nzi ni kimwe Nice ndamukunda nkuko nikunda iyo ndiko ndiyumvirako canke iyo niravye mu kiyo au lieu yo kwibona mbona Nice ukuri kuri ku mutima kutagira amajambo yo kubivuga noneho nta jewe ata Nice...*

Amashi yongeye kuba urufaya kandi haheze akanya begera Nice nawe amubaza kwakundi nyene ariko natangajwe no kubona Nice atora flash mu mufuko agenda ahereza uwari ku mashini haheze akanya mbona amafoto abiri kuruhome yari projecteur ifoto ya mbere yari Nice nza numva aravuze ati: *Nakuze numva nkeneye kutazokwihenda umukunzi kuko nakuze nkunda kumenya vyinshi ku rukundo kuko Maman yama ambwira ko ikigira umuntu akaba muzima ari urukundo gusa igihe kimwe ndi kuri université mu wa mbere nabonye Mike ku ncuro ya mbere nza numva umutima urasivye rwose numva ijwi indani rimbwira riti “rwawe nuyo”*

*Narwanye intambara nyishi kuko nkuko mu bibona aho kwifoto igira kabiri ni jewe nariko ngerageza kuvugisha Mike ku ncuro ya mbere nobabwira ivyo yanyishuye...*

Jewe aho narindi naguye mu gahundwe ndavuga nti: *Saaaa? Nice ni wewe Bernice?*

Aca araza amfata mu biganza ati: *Ni jewe Mike!*

Jewe narumiwe ndatangara rwose nca ndamuhobera rwose nca ndababwira ingene namwishuye.

Maze bose barumwirwa bamwe bararira haheze akanya Nice aca avuga ati: *Inkuru yacu ntitwoyivuga ngo tuyiheze ariko harigitabo kidaheze kiri kuriyi site web uwushaka kumenya vyinshi aze kujako citwa "Histoire de ma vie"*

Ubwo nyene bose batoye amaterefone biba ngombwa ko seminaire irangirira aho proffesseur abaha isango rikurikira ku musi wakurikira ko ariho bazobandanya.

Je nanje numva ngomba ko dutaha Nice akambwira neza ingene yampishije ko ari we Bernice ico gihe cose dushitse muhira ndamubaza ambwira ngo: *Vyari vyiza ko ubimenya igihe cavyo kandi hari nibindi vyinshi utaramenya.*

Nice yanyicishije amatsiko ariko ndihangana uwo musi nho nongeye kwirarira mwijuru nibuka ko mfise Nice nakanguwe na fone mu gatondo isona bamfonye nca ndashira ku gutwi ariko numvise ijwi nca nda...

## Agace 16

Nshize fone ku gutwi numvise ijwi nca ndakangukwa kuko numvise ijwi neza neza umenga harahantu ndarizi ariko numva arambajijie ati: *Ni mwebwe MFURA Mike?*

Jewe: *Ego ni jewe! mwebwe muri bande?*

Nawe ati: *Jewe nkora kuri hotel iraha muri ville ejo hakaba harabereye seminaire tukaba twarabatoreye ingondo mwataye murashobora kuza kuyitora!*

Jewe nkangutswe nca ndahaguruka ndaba mwipantalon nari nambaye nsanga koko ntayiriyo nca ndamubwira nti: *Yoooh vyukuri nivyo kuko nanje ubu ndaravye aho nayiziga ntaho mbona none nobabona gute ngo muyimpe ndanabashimire?*

Nawe: *Urashobora kuza kuri reception niho unsanga nca ndayiguha?*

Nta kindi nakoze maze kuva kuri fone niteguye ndasohoka mu nyuma nja gutora ingondo yanje kuko yarimwo ivyangomba vyanje vyose.

Mu gihe gito nari ndahashitse ndangurura kuri reception ariko ndahasanga umuhungu ndamuramutse nkitanguye kumubaza terefone yo kuri reception ica irasona wa muhungu aritaba haheze akanya aca arasohoka ambwira ati: *Ingo ndakwereke uwo urondera.*

Jewe mca ndamubaza nti: *Wammenye gute canke wamenye gute uwo ndondera ko ataco ndakubwira?*

Nya muhungu aca arandaba aca aratwenga ati: *Raba harya? Uce ubihuza na terefone mpejeje kwitaba...*

Yanyeretse camera de surveillance nca ndabitahura neza nca ndamukurikira twaraduze gushika kuri niveau ya nyuma aho twakatiye mu biro bimwe nca ndinjira wa muhungu asubira inyuma ninjiye nasanzemwo umugore avyibushye cane yari yifunze igitambara mu mutwe yambaye amarori yamaso ambonye mbona arahagurutse aje ansanga aho nari ngenze mu mwango aranyitegereza neza nza numva aravuze ngo: *Ce n'est pas possible!*

Yabivuganye ikiniga kuburyo namwitegereje mu maso mbona atanguye kurira haheze akanya nza mbona arahindukiye amtera umugongo aguma arira.

Jewe sinatahura ivyarivyo nti: *Mada mufise ikibazo ki?*

Nsinzukuntu ataranyishura mu vyiyumviro vyanje haciyemwo ishusho ya wa mugore yamfata ku nguvu muri hoteri nza numva ndazunguriwe mpakwa kurwa hasinari nishimikiza kuruhomwe nca mbona aho ingodo yanje yariteretse iruhande nca ndayitora nsohoka niruka mpunga ntazi ico ndiko ndahunga kuko numvise umutima utera cane nkiriko ndamanuka numvise ijwi rya wamugore inyuma yanje rimpamagara cane ngo: *Mike!!!*

Ariko ubwenge bwanje bwampatira guhunga ndiki ndagemda munzira mu modoka nakomeze kwumva ijwi rya wa mugore ampamagara gushika aho narekuye volant nkazibira amatwi nkiri muri vyo numvise ikintu kivuze ngo poo amaguru yihutira guhonyora frain hafi guca muri parabrise nari nubitse umutwe kuri volant numva ubwoba ari bwinshi niyumvira nti Mana

ndagusavye ntihagire umuntu naka ubuzima atarije nabumuhaye nkiri muri vyo nza numva umuntu ankweze ishata hafi kuncisha mwidurisha ati: *Uramwishe sha hama uguma mu modoka ca ngaha nawe tukugire nkuko umugize!*

Ubwo batanguye kunsohora kunguvu ndasohoka nsanga abantu bashengereye umuntu aryamye hafi aho yari aryamye hari huzuye amaraso nza numva umenga umushatsi wose uramvuye ku mutwe mbura ico mvuga nkiri murivyo nza numva ikintu kimeze nka circuit mu mutwe nkanuye amaso nza nibona ndi ahantu ndiko ndagenda mu bugararwa nca mpura numukecuru aryamye hasi nkaba nari mfise amazi mu gasaho nariko ndagendana nca ndamuramiza haheze akanya aca aragarura udutege hama nza numva avuze ati: *Mike Mfura yanje ndongeye ndakubona murubu bugararwa ndimwo aho bese bandaba bagatwenga abandi bakaraba hirya enda nyandaza unshikane imbere ndumva Imana igira itumurikire!*

Nca ndamwandaza hama turenguka imbere nza mbona itongo ryiza ririmwo ibiti vyinshi nivyamwa vyinshi nimigenzi myiza nca turarabana na Maman tuca turatwenga nca nongera ndaraba inyuma nti: *Wa bugararwa we twaragutevyemwo twaragusinzikariyemwo ariko ubu turashitse ku mpera yawe nizere ko ataho tuzosubira guhurira...*

Tuca turaraba imbere tumanuka muri rya tongo tunezerewe harya nyene turishitse naho naza nongera gukanura nza mbona nryamye ahantu mpindukije amaso iruhande mbona Nice ariko ararira amaso yatukuye nca ndaduza ukuboko ndamukora mu mishatsi aca arakangukwa kuko nubwo yarakanywe siho yarari kuko je nabona umenga aramubona nca ndamubwira nti: *Rukundo*

*rwanje niki cakugize uko? Niki catumye uhogora? Mbwira mpangane naco nifatikanije nabamalayika ngwanye ikizana amosozi ku maso y'umwamikazi w'umutima wanje?*

*Nza mbona Nice arongeye ararira aca anryamako ati: Chr narinzi ngo uriko uragerageza kunsiga uzi ko umaze indwi zibiri muri coma!*

*Jewe nca ndakangukwa nti: Saaa? Inde? Jewe? Nabaye iki jewe ko mperuka...*

*Nca ndibuka ingene nari mvuye gutora ingodo yanje nibuka umugore yantesheje umutwe nca ndibuka umuntu nagonze nca ndakangukwa kandi nti: Yarapfuye chr??*

*Nice: Chr mbe urazi ko wagonze umusazi hm oya nako umurwayi wo mu mutwe Imana imbabarire nari mvuze nabi!*

*Jewe: Yooo none ameze gute ntumbwire ko yapfuye nukuri?*

*Nice: Oya ubu aracari aha mu bitaro gusa na wenyene amaze igihe muri coma kuva urya musi*

*Jewe numvise mu mutwe hatekeye ndabaza Nice nti: Ibi n'ibiki numva mu mutwe?*

*Nice: Ch rega urya musi ugonga abanyagihugu baragufashe baraguhonda gushika utaye ubwenge gusa uwagukubise icuma co mu mutwe ubu arapfunzwe!*

*Jewe: Yoo! Mbe vyagenze uko oh lala! Ariko numva nshaka kubona uwo muntu nagonze woshobora kunyandaza ukaja kumunyereka chr aho arwariye!*

Nice yarampagurukije anyicarika ku gakinga karaho hafi ku numva mbabara umubiri wose kuburya vyananiye kwitambukira aca agenda aransunika twinjira mu cumba cari iruhande nca ndabona umuntu aryamye.

Numva nshaka kumukorako ca ndamufata mu kiganza ubwo nyene nca nsubira kwibuka ndiko ndamanuka hamwe mu bugaragwa na maman nza numva ikiganza cuwo murwayi kirangumije rwose ndavye mbona ariko aragerageza kunyiganza amaso haheze akanya aca arakanura bukebuke aca arandaba duhuje amaso sinzi aho twese amasozi yaturutse nza numva arambwiye ati: *Mfura iri niherezo ry'ubugarwa bwacu iki nigihe co kubaho!*

Yavuze uko nisanga navuze nti: *Maman!!!*

Nawe ati: *Sabwe Mwananje!*

Sinzi aho yakuye udutege aca aricara tuca turahoberana

Nza numva Nice ati: *What?? Mike uyu ni Maman wawe?*

Jewe: *Ego Nice nguye uwo twagoranwe nako uwagowe kubera jewe gushika ndamugonze kubera ibibazo ntazi iyo vyari biturutse!*

Nca ndaba Maman nti: *Maaa mbabarira ndazi ko ari jewe sooko ya vyose...*

Maman: *Oya kibondo canje burya kwisi ntakibera ubusa kandi ikitakwishe kiragukomezza igikuru nukur nsubiye kubaho nkabaho ndakubona kuko mu bintu nari narasavye Imana nari nayisavye kunkuraho kuko narabaye umunyantegenke birananira kwihanganira kukwitegereza uriko uragenda niho nabwira*



*Imana ngo inyake ubuzima hama nisanga mu bugararwa aho nabona bose bantwenga bose bantunga intoki bose banyiyama ariko uno musu Imana ingiriye akagongwe iranzuye insubije ubuzima insubiza n'umwana wanjye nari ngira nakwe ntanka Mike naragukumbuye...*

Tuca turasubira turahoberana amosozi yanje yari yaramenyeye gutemba aja mu nda uwo musu yarahinduye inzira atemba ku matama icari kiriyoshe nuko kuriyi ncuro ataray' umubabaro kuko ayumubabaro twarayarize bihagije carigihe co kurira amarira y'umunezero ugeretse kuwundi jewe na Maman twatandukanijwe nibibazo ariko dusubiye guhuzwa nibibazo.

Jewe na Maman twari dufise vyinshi na cane cane jewe mashaka kumubwira kuburyo nabuze naho mpera nkaguma ndamuraba nkaca mwenyura nkongera nkamuhobera haheze akanya Maman yitegereza Nice cane kuburyo nanje vyankanze nca ndaba Nice mbona afise ka Kabangiri nza numva Maman aravuze ngo: Kanezaaaa???...

## Agace 17

Maman aguma yitegereza Nice cane nanje ndateba ngira amakenga haheze akanya nza numva Maman avuze ati: *KANEZA??*

Ndakangukwa nti: *Maman uri mu biki? Kaneza umubonye he?*

Maman: *None uyu mukobwa si Kaneza?? Erega ndabona agifise na ka kabangiri namuha!*

Nice: *Ego Maman Mike ni jewe Kaneza umbabarire ahubwo kubona ntashotse ndakumenya nari mpangayikiye Mike!*

Maman Nice: *Yooo kibondo canje diso igira hano umpobere ndumva utigeze uhinduka!*

Jewe: *Nooo ntibishoboka? Kaneza??? Hmmm Nice mbwira neza...*

Mbona ahoberanye na Maman haheze akanya arambwira ati: *Mike ni jewe Kaneza ni jewe Bernice kandi ni jewe Nice wamenye mu buryo butatu kandi icatumye ubwo buryo bwose bugusigara mu bwenge nuko bwari bufise ico bwavugaga kuri jewe nawe kinini!*

Jewe aho nari ndi narumiwe ndetse nitegereza Nice maze nsubiza amaso inyuma nibuka vyinshi ku buryo vyananiye kwifata amosozi yaciye akoroka nca ndamuhobera haheze akanya nca ndamurekura maze ndamufata ibiganza nti: *Mbabarira Nice ku ncuro zose nagukomerekeje nibigira nkana...*

Nice: *Mike vyose vyabaye kubw'impamvu kandi ivyacu namateka maremare azofasha abazoyumva canke abazoyasoma nico*

*gituma nticuza buri kimwe cabaye hagati yacu canke kubuzima bwacu!*

*Tuca turahindikira turaba Maman maze ndavuga nti: Maa nezerewe kukwereka Kaneza nanje kuko ariwe wantanze kumumenya maze ukamukunda ntaramukunda nishimiye kukubwira ko ari we Mana yangeneye kwariwe mahitamwo yanje niwe azoba aho ndi nkaba ahari nduwiwe nawe akaba uwanje nsiganwa nimisi ngo buce kabiri tubumwe imbere y'Imana n'abantu Maa n'umugisha kubona uje uziye igihe nyaco nahora ndira kenshi nipfuza kukubona ngo vyibuze basi ndakweke kaneza k'umutima kanje ingene kangaruye mwisi yabazima igihe nabona umwijima gusa nahora nipfuza kukwereka akamalayika karinzi kanje Imana yandemeye atanumwe tugasangiye kwisi kuko iteka ryose kitwararika ukugubwa neza kwanje*

*Maman numva atakindi nokitura atari ukugafata ikiganza nkaza nciye bugufi imbere yawe ukaduhezagira...*

*Maman aho yarari yaramwenyuye aravuga ati: Ehe ingene muberanye disi mbega ninde yotandukanya ico Imana yifatanyirije ko bigaragara neza ko ivyanyu Imana ibirimwo reka nanje ndabahezagiye bibondo umugisha w'urukundo uze ubakurikire mu vyanyu vyose!*

*Twese: Urakoze Maman!*

*Tuca turamuhobera mu nyuma biba ngombwa ko dusezera ibitaro turataha umunezero tuja kuwutura Maman Nice nawe amaze guhabwa inkuru yose amarira yamutembanye aca arihanagura ati: Nukuri murihangana mwaciye mu bikomeye!*

Maman: *Turi mu nzira Mike yambwiye ingene wamugiriye neza ndagushimiye cane Imana ize ibiguhere umugisha!*

Maman Nice: *Oooh nukuri simfise ico novuga gusa ishimwe ku Mana yo mwijuru!*

Aho nari sinzi ukuntu hanjemwo icyumviro nca ndahaguruka ndagenda mu kabati nca ndabona ryacupa rya vin non alcoolisé twagura tuvuye muri Kenya sinzi ukuntu naryibutse kuko twaza twararyibagiye kandi hari haciye igihe kirekire ariko nca ndaribona ndarizana nti: *Allée uyu numusi w'umunezero dutegezwa kuwuserebura!*

Nice nawe yavuze yahagurutse yazanye uturahuri tune maze umunezero wuzura imitima yacu.

Burya mu buzima nibintu bibiri bigenda bibangabanganye kandi kimwe aho kiri cibagiza ko ikindi kibaho iyo uri mu magorwa wibagira ko umunezero ubaho ndetse ukibagira nuko wigeze kunezerwa kuburyo wumva wobaza ingene kunezerwa bimeze ariko kandi iyo uri mu mahirwe wibagira ko wigeze kubabara ndetse ukibagira ko kubabara bibaho ariko igikuru muri vyose nuko vyose bikoranirizwa hamwe kutugirira neza kuko mu vyago turahigira mu munezero tukaharuhukira ico dukeneye nukwihangana gusa burya nta mvura idahita kandi nahijoro ryoba rirerire rirateba rigaca.

Jewe ubwo numva neza ko ijoro ryamaze guca nibutse ko mfise abavyeyi babiri Maman na Maman Nice nkibuka nuko mfise Nice numva ndumunyamahirwe wa mbere kwisi yose ubwo tukiri mumunezero twakanzwe numuntu twumvise yinjira aririmba

ngo: *Nzokunywaaa wa sodaaa n'inyana mbona zipfaaa kandi zinywa amataaa ndalalaaaaah...*

Kumbe yari kadogo twese twatwengeye rimwe tumubonye nukuntu yari yafashe ubuseriye muri uniforme za secomdaire naramwitegereje niho nabonye ko Kadogo yabaye umugabo kbsa nza numva Maman Nice: *Mba mba mba! Kadogo mbega we nzokugirante ko wananiye ikizi nimbavu zanje?!*

Kadogo: *Eeeeh ndazigorora nyene hamwe zisigara zimeze nkizaciweko ni pasi nako niferu!*

Twese: *Hahahaha!*

Nice: *Aho ga Kadogo ntiwabo...*

Ataraheza kuvuga kadogo amucamwo ati: *Eehee kora aha ku gisakanwa wumvirize uce wumva ko udakwiye kumbatiza irindi zina!*

Nice aca arakorako sinzi akantu yashikuye tuza twumva arakomye induru Kadogo ati: *Yampayisuka ararutwaye weeee ntabara ntabaraaa!*

Twese twakomeje kwumirwa Nice we yari yakumbagaye ati: *Ego shaa niho ayo manyama yohera nkavuga ukanyumviriza wariko wishimana aka kanwa kamwe ngo wabaye umugabo rero!*

Kadogo: *Nuko nyene dukundana nayahandi...*

Aca arahindikira arandaba akubita isari yigisirikare ati: *Eh boss sorry nari ndakuvogeye ariko burya nawe burya ukwiye kwikubita akamo nkakubatiza irinda zina nkaa hinga twumva nkaaa Papa Lil Mike canke Nicette hama nawe Nice nsaka*

*kuzokwita Madam mbe harya ni nde?? Reka noneho nicare ndabona aruguserebura...*

*Jewe: Kadogo nturakira kabsa ehe basi ramutsa Maman!*

Kadogo yarakangutswe cane vyanyeretse ko atari yamubonye ariko binkora ku mutima ukuntu ashitse amenya akazi kiwe ko arukudutwenza gusa maze arahaguruka aramutsa Maman amwubashe hama tubandanya kunezerwa haheze akanya niho numva fone yanje isonye ndavye mbona ni numero ntazi nca nditaba numva ijwi nca ndarimenya yari proffesseur nti: *Oooh Proffissor vipi?*

*Proffesseur: Powa sha uzi ko nawe atavyawe nkaguha numero ariko ntunambipe ngo ntume mbona numero zawe??*

Naciye nibuka ko kuva ca gihe tugiye muri Kenya ntigeze ndamurondera kandi yari yarampaye inumero numva ndamaramaye nti: *Yoooo! Nukuri sorry sana noneho nca amande yose ushaka kuko naradekonye ndavyemera!*

*Proffesseur: Njanye naho ukora nkumusoda ukaba uzi ko ikosa ryose rijana nigihano ariko jewe sindaguhana ngo mbabaze ariko kandi sindakureka ngo ugende uko noneho uno musu saa cenda ndabakeneye mwe na mukawewe hamwe habera iseminere ejo hari igishingantahe gikomeye ntagomba ko muhomba!*

Jewe numva umenga uwo musu nowureka tukinezererwa numuryango ariko kubera naza namaze kumwemerera nta yandi mahitamwo nari mfise namubwiye nti: *Sawa isango ni harya nyene rero!*

Nca ndava kwi fone maze nongorera Nice nawe aremera hama amasaha akomeza kugenda gushika hageze turitegura turagenda dushitseyo twasanze twiteguwe bihagije kuburyo batwicaritse mu myanya y'imbere naho tutabishaka ariko proffesseur yabigize itegeko mu nyuma haragera aho baha umwanya uwushaka gushinga intahe mu kwitegereza neza mbona ni...

## Agace 18

Nitegereje neza uwuhagurutse agatambuka imbere neza na neza yari wa mugore nabona umutima ukamvamwo yarumwe yari yantoreye ingondo nza numva umutima urasimvye rwose ariko nza numva Nice amfashe ikiganza nca nibuka igihe mwisengero basenga nkumva nokwiruka naho nyene Nice yamfashe ikiganza nca ndiyumvira nti: *Nice yama amfata ikiganza nkuko iyo mfise ubwoba hari ikintu kigomba kibe nca ndihagararako ndatekereza mpanga amaso imbere!*

Aca aratangura aravuga ati: *Burya mu buzima harivyinshi twirengagiza kandi arivyo bikomeye ariko ugasanga ivyo twitaho arivyo bisanzwe akenshi na kenshi mbere ata kamaro na kamwe biba bidufitiye ahubwo usanga aribitwica bikica nabo duhura nabo bakatwigirako. Burya ikiza kwica umuntu si misi yose kiba kinini nkuko nigishobora gukiza umuntu atari ngombwa ko kiba amahero.*

*Akenshi turabisha amaso tukumvisha amatwi ubwenge bugacira urubanza ibije umutima nawo ukakira ukabika ahadata.*

*Ubuzima bugizwe no guhitamwo. Imana ntiyadushize kwisi ngo tube ibirobo vyayo ariko yadushize imbere vyose umugisha numuvumo maze iduha uburenganzira bwo guhitamwo. Rero ukwo guhitamwo kwambere ahantu guhera ni mu mutima. Urafise uburenganzira bwo guhitamwo ico wakira ukabika mu mutima wawe. Ikiri ku mutima wawe nico rero kitanga ico uri co, ico uri sico abantu bakuvugako, sico ushaka kuba, sico werekana ko uri, sinico wabwiwe k'uri ariko ico uri nico umutima wawe ukubwira bivanye nivywo wawubitsemwo.*



Akenshi rero biva ku gusamara guto cane gufatanye nukwirengangiza bigaha inzira akiyumviro gato kabi kamwe ka nibisamzwe ariko kagakura hama kakavyara igisanga kinini nkuko abajeune bakunda kubivuga. Vyatanguye mpejeje amashure ya kaminuza aho nari maze imyaka ibiri nshomeye ntabona ico nzoba co rero niho haza umukobwa ntari nzi ambwira ko harukuntu twobigenza ubuzima bugahindura amerekezo tukaba abandi bantu tutigeze kuba bo mbere tukaba abifuzwa na buri wese. kandi koko niko vyari biri kuko nyum yo gukora ivyo nakoze nabaye umutunzi atangaje ariko vyose bwari ubutunzi busa nubutunzi ariko atari ubutunzi kuko itunga nyakuri n'umutima runtu namahoro mumutima nugutekana ukarya bike ukaryama kare atawe uhohoteye. Nasinye amasezerano ntazi ivyarivyo kuburyo nisanze nkorana namadayimoni mu buryo ntaziga biba ngombwa ko nkora ivyo bambwiye vyose ntodondagura ngo mpeze ariko kimwe nobabwira nuko igihe kimwe nari narabaye umumaman ariko nta mwana nari narigeze ndonka kuko uruvyaro rwanje rwose nari nararukavye nitunga niho rero haza uwundi mudayimoni twakorana akambwira ko hari mission ngiye guhabwa nayo ikaba yariyo kuryamana numuhungu w'umusore sinarinzi ico bashaka gushikako ariko mu nyuma numvise ko yashakwa kwicwa kuko ngo kubaho kwiwe kwoteza ivyago mu bwami bwabo mu gihe ca kazoza. Niho nashoboye gukora mission igenda uko yateguwe maze mpabwa amahera atari make gusa ndashima ko igihe kigeze Yesu yambabariye akankura muriyo migozi ya Satani nkaba nanje nipfuzaga gusaba nciye bugufi imbabazi uwo musore kuko ndazi ari muri kino kibanza nimba binsaba no gupfukama ndaza gupfukama ariko imbabazi ndazihabwe.

Yahejeje kuvuga jewe amosozi numva atanguye gukoroka kuko ukuntu yabivuga yaranteye ikigongwe nirengengiza imibabaro nagize jewe numuryango wanje ariko numva mu mutima nkwiye gutanga imbabazi nkiriko ndiyumvira numvise abantu bose baguma boyogora uruyogoyogo rwuzura salle baguma bahindukira baraba hirya no hino ndavye imbere mbona wa mugore aza yapfukanye yewegaye nahagurutse niruka nca ndamusanga imbere sinzi ukuntu vyanjemwo nanje ndaca bugufi ndapfukama tuca turahoberana tumara umwanya duhoberanye namosozi twese atemba haheze akanya nca ndamurekura ndamubwira nti: *Humura Satani yaraneshejwe muvyo yaragamije nta na kimwe yashitseko kuko yaba jewe yaba wewe twese turi bazima kandi nico gikuru dushime Imana gusa.*

Nakanzwe namashi menshi numvise mpindukiye mbona amaterefone yose hejuru kumbe baciye badufotora birakomera ibintu biba ibindi.

Je nca ndava imbere ariko nagiye numva umuntu ankweze ukuboko mpindukiye kumbe yari professeur aca arantungira ukuboko ahantu nza mbona abantu benshi binjiye ahantu twari turi natangajwe nuko harimwo abazungu nza mbona Nice ari kumwe nabo baza baravugana ndatangara cane nti: *Ibi nibiki pro?*

Proffeseur: *Ahubwo nanje nivyho nagira ndakubaze none Nice azinaniye he na barya?*

Tukiraho baba baradushikiye baraturamutsa nza numva Nice ati: *Mike ndabizi uratangaye ariko vyinshi uraza kubimenya aba nabantu bipfuzwa kuvugana nawe inyuma yiyi seminaire!*

Jewe nti: *Nta kibazo...*

Baca barandamutsa nza numva umuzungu umwe ati: *C'est toi Mike? (ni wewe Mike)*

Jewe: *Ah oui c'est moi!*

Proffesseur niwe yaciye abaganiriza abereka niyindi salle bajamwo nanje nsigara ndabaza Nice nti: *Oya mbwira neza ch ibintu vyo kuguma umpisha ibintu sivyiza...*

Nice ati: *Hhhh chr aho rero uriko urishavuza wibaza ko unkanga!*

Jewe: *Hhhh Oya ch mbwira plz!*

Nice: *Ok basi barya naban...*

Ataraheza haba haraje umuntu ashika avuga ati: *Mike na Nice murashobora kunyemerera nkiha selfi ndi kumwe namwe?*

Twebwe: *Oh nta kibazo!*

Tuca turifotora ifoto zibiri za selfi aca aradushimira ati: *Merci bcp!*

Ariko natangajwe no kubona salle yose idutonzeko bose batwifotorezako ku mutima nti: *Ndabaye umustari daaa!*

Nakijijwe na proffesseur yadukweze akatujana muri ya salle yashiramwo ba bazungu dushitse ku muryango ati: *Mike mukabimpisha koko mwe na bernice? Uzi ko ubu tuvugana maze kuronka.. iya nako injira nwe wiyumvira!*

tuca turinjira hama turicara maze umwe muri bo aca aravuga ati...

Twicaye hamwe muri ya salle niho umuzungu umwe yavuga ati: *Turanezerewe cane kubona dushoboye gushika hano...icaturanye mu mahanga ninkuru twasomye kuri site web ikadukura muvuyo twarimwo jewe nitwa John Parker nkaba ndongoye inzu ikora amareresi muri colombie twari tumaze igihe kitari gito turondera inkuru twokina kuburyo abashoboye kuzana izabo bose zitahuye niyo twari dukeneye kuko twashaka gukina ireresi yabirabure ku buryo bugezweho rero tumaze kubona inkuru yanyu kuko ubu tuvugana igeze kugitigiri cabantu bamaze kuyisoma imilliyoni ijana na mirongo itatu kandi ndabona imaze guhindurwa mu ndimi zitari nke,ni nkuru itangaje kuko yakunzwe idafise iherezo ari naco catuzanye. icipfuzo cacu niki twipfuzaga gukorana namwe ireresi yitwa "Story of my life" nkuko icyo gitabo citwaga mutwemerereye murashobora gukinamwo maze tukavugana ingene tubahemba mu ma pourcentage ijambo ni rwanyu...*

Jewe aho nari ndi numva narengewe nkumva ndiko ndarota nkibuka ko kuva nakera nari mfise indoto yo kuzoba umukinyi wamafilm ariko ubu naza naravyibagiye ca ndamwenyura ndaba Nice nti: *Mi Amor uvyumva gute?*

Nice: *Ndavyumva sawa kandi ndazi ko ariyo ndoto wamanye kuva ukiri muto nizere ko aya mahirwe udashobora kuyapfusha ubusa!*

Jewe nca ndaba imbere ndavugaga nti: *Nukuri nigitangaza ariko numva ata vyinshi norenzako ahubwo numva tworeka guteba tukajya mu bikorwa...*

Kuva uwo mwanya twatanguye kwitegura haragera igihe biba ngombwa ko je na Nice badusaba kuja muri America gutangayo ibiganiro namatelevision kuko twaguma turonderwa tukabazwa ibibazo bitandukanye kandi aho twaja hose professeur yaraduherekeza mbere nibibazo vyinshi niwe yavyishura kuko we yarabimenyeye.

Ifilm yarakinywe irasohoka igira amahirwe adasanzwe kuburyo yatumye mba umukinyi mushasha wa mbere w'umwaka muri Award yari yateguwe na colombie.

Film yakinywe ku buryo butangaje kuko amasanamu ahereza atari ibikino ahubwo ari inkuru y'ukuri kuko Mariage yanje na Nice yabaye turiko tura tourna ifilm kandi iba mpuzamakungu kuburyo abakinyi bamareresi rurangiranwa bose bo kwisi niho bari bibereye.

Mike na Nice ubu turashaje kandi dukundana nkababonanye ejo.

***IHEREZO RY'INKURU***

## AKAJAMBO KA NYUMA

Ndanezerewe cane kubona mwarakurikiye ino nkuru mu kayikunda kandi nizera ko yabafashije cane nkuko nanje yagiye iramfasha ndiko ndayandika ku musi ku musi.

Sinayanditse ndondera kubateramisha canke ikindi cose ariko nayanditse ndondera umutima w'umusomyi.

Burya umutima w'umuntu niwe muntu nkuko ijambo ry'Imana ribivuga riti: *Zigama umutima wawe kurusha ikindi cose kuko ariho hava Ubuzima...*

Nanje intumbero nyamukuru nashaka ko buri yosoma ino nkuru yomuhindura kuko abenshi isi iradutwara ibidukikuje nibihe bikaduhindura tugafata amerekezo mabi kubera uguhitamwo nabi arico gituma nashimikira cane ku mahitamwo n'urukundo burya bino bintu bibiri birakomeye cane mu buzima bw'umuntu ku buryo niwavyitwaramwo neza nta kabuza ejo hawe ni heza.

Ica mbere iga guhitamwo neza:

Hitamwo kubaho ukwo bibereye,

Hitamwo kwakira mu mutima ibiwukiza,

Hitamwo kugira ubuzima bufise intumbero,

Hitamwo buri musi kuba umuntu mwiza kurusha uko wari ejo,

Hitamwo kubera icitegererezo abakubona,

Ica kabiri n'urukundo.

Urukundo burya ni kirumara mu buzima bwa kiremwa muntu kuburyo ata muntu numwe afise uburenganzira bwo kucirengagiza.

Kunda mugenzawe nkuko wikunda,

Kwisi ntawuhangana n'urukundo ngw' arutsinde kuko guhangana n'urukundo ni uguhangana n'Imana,

Ico utipfuza ko bakugirira ntukipfuze kukigirira uwundi.